

84P7
2.03.Г93

В. ГУБАРЕВ



ПАВЛИК МОРОЗОВ

КОМИ-ПЕРМЯЦКОЙ КНИЖНОЙ ИЗДАТЕЛЬСТВО
КУДЫМКАР * 1957



В. ГУБАРЕВ

ПАВЛИК МОРОЗОВ



Рисунок кез *И. Гринштейнлөн*
Переводсö керис *З. А. Тетюева*

Коми-Пермяцкöй книжнöй издательствö
Кудымкар * 1957

ОГЛАВЛЕННЁ

Лоо сэтшөммезөн, кызд Павлик	3
<i>Глава I.</i> Вежөртны непозян обида	5
<i>Глава II.</i> Айлөн конфетаэз	11
<i>Глава III.</i> Вөрын пессьом	18
<i>Глава IV.</i> Тревожнөй рыт	26
<i>Глава V.</i> Ойся гось	34
<i>Глава VI.</i> Воротка вылын замок	40
<i>Глава VII.</i> Таинственнөй письмо	44
<i>Глава VIII.</i> Костёр дынын	50
<i>Глава IX.</i> Дед оградаын вуджөррез	56
<i>Глава X.</i> 1932 годся сентябрь 3 лунө	62
<i>Глава XI.</i> Мам дынын	67
<i>Глава XII.</i> Фронт вывсынь письмо	69

В. Губарев

ПАВЛИК МОРОЗОВ

Редактор *Н. В. Попов*
Обложка художн. *А. А. Горкунова*

Техн. редактор *Ф. С. Яркова*
Корректор *Ф. С. Яркова*

Сдано в набор 11/V 1957 г. Подписано к печати 28/VI 1957 г.
Формат бумаги 60X92¹/₁₆. Печатных листов 4,5. Уч.-изд. листов 3.
ЛБ11640. Заказ № 1215. Тираж 1000 экз. Цена 1 р. 05 к.

Кудымкарская типография Молотовского Облполиграфиздата.
г. Кудымкар, Восточный переулоч, 42.

ЛОО СЭТШӨММЕЗӨН, КЫДЗ ПАВЛИК

Менам пöрисьжык зон Павел быдмис сiя кадö, көр деревня-ын только пондöтчис коллективизация. Мунис жестокöй клас-совöй пессьöм. Кулаккез падмöтлiсö няньзаптöм, дзеблiсö нянь и оружие, быднëж мешайтiсö строитны виль олан.

Герасимовка вöли пыд сибирскöй посадон, сы гөгөр вöлисö мунны непозян вөррез да нуррез. И эта ылiсь посадын кулак-кез быд вынiсь сопротивляйтчисö советскöй властьлö, вартлы-лiсö сельскöй активисттэзöс, старайтчисö уничтожитны быдөн-нысö нийö, кин эз сет нылö керны враждебнöй делознысö.

Сэкса кадö тайга коласiсь мян деревняö виль юөррез вов-лисö не чожа. Паша уна эз тöд сэтiсь, мый керсис мян страна-ын. Но сылөн вöли чуткöй сьöлöм, сiя вежöртiс, мый колö керны пионерлö, и пессис кулаккезкöt. Враггез коласын вöли и мян родняным. Не грöзитчöм, не вартлöм эзö сувтötö тринадцать-годся зоночкаöс. Сiя мужественнöя разоблачитiс айсö, кöда отсалiс кулаккезлö.

Кулаккезкöt Павлик пессис дыр и упорнöя. Айсö судитöм бöрын чулалiс эшö кык год. Павликлö вöли сьöкыт. Кулаккез следитiсö сы сьöрын, а Павлик следитiс ны сьöрын. Нiя грöзит-чисö сийö зверскöя вийны, вовлисö мянö ойезон, ёркötисö ыбöсö, быдлаын караулитiсö Павликсö.

Павликöс вийисö, öтлаын ськöt вийисö и менчим мöдик зо-нöс, учötик Федяöс. Ме мам, и меным сьöкыт висьтавны, мый керисö враггез менам челядькöt. Нийö не просто вийисö, а зверскöя мучитiсö.

Москваын, Краснöй Пресняын, Павлик Морозовлö сувтötö-ма памятник. Сылөн подвиг лö примерон советскöй челядь уна поколеннëзлö. Павлик моз жö нiя велötчöны Родиналö верно-стьö да Родина враггез дынö ненавистьö. Сiдз жö кызд и Пав-лик, краснодонец Олег Кошевой, московскöй комсомолка Зоя Космодемьянская пессисö Родина враггезкöt и сетiсö оланнiсö коммунизм победа понда.

Миян правительство ме йылісь заботитчис. Менö вайöтисö овны Крымö, Алупкаын сетисö меным керкуок. Война годдэзö ме öштi мöдик ассим челядьöс. Фронт вылын пунктис юрсö менам зон Роман. Но ме не öтнам. Менам зонлісь Павлик Морозовлісь нимсö тöдöны миян Родинаись быдöс челядь. Ме гордöя чулöта ассим мам гореöс. Ме дынö локтöны миллионнэз челядь, шуöны менö мамön. Быд лунö ме получайта öддьön уна письмөз. Эна письмөзын пионеррез благодаритöны менö зонöс воспитайтöм понда. Нія старайтчöны пыр керны сы моз.

Писатель Виталий Георгиевич Губарев — Павлик йылісь эта книгалөн автор — вöлі миянын Герасимовкаас и участвуйтис челядьöс зверскöя вийöмсö расследуйтöмын. Быдöс вöлі сідз, кыз сія гижö.

Ме, Павлик Морозовлөн мам, сылөн вернöй ёрт, кора тiянöс, челядь, велöтчыны упорнöя, овладевайтны знаннөзöн, медбы лоны коммунизмсö бур строитиссезön и Ленин партия дело понда пессбöмын лоны мужественнöйезön, кызд Павлик.

Т. Морозова.



Сы йылись вунотны оз позь.

М. Горький.

Глава I

ВЕЖОРТНЫ НЕПОЗЯН ОБИДА

Яковлөн кадись кадё чакотисё пиннез — нето ойся кодзытсаянь, нето полёмсянь. Юрсё пельпоннэзас кыс-кёмён, оськаліс сія Павел бёрсянь вөр туёк кузя и полёмён вѣдзотліс отмодорё: мый лоас, кыдзи пантасяс коин? Коть и баитоны, что гожумнас коиннэз озё уськотчылё, но кин нійё тодё, вдруг кытшом-нибудь шальной петыштас...

Павел тэрмасис, оськаліс паськыта, шлөпөтис кёмтөм коккезнас; Яков одва вөтчис сы сьорё и бобгис:

— Но кытчө тэ сыбура тэрмасян, кытчө?

Яков вөлі неыджыт мыгөра, кыз, жаг. А Пашкаыс вон кытшом косыник да кузь кока — деревняын быдөннысса перытжыка котрасьё. Пондив-ко сы сьорё вөтчыны!

— Жагөнжыка мун, эн тэрмась! — кеймисьёмён висьталіс Яков.

Павел сувтчис, негорөн серөмтчис:

— Мый, жар?

— Мыйнө, сэтшөм жар, нельки пиннез чакөтөны...

А тэ вот мый, жагвыв мун.

— Неужто кынмин? Диво кутө! А госыт тэнат уна...

Яковлө кажитчис, что Павелыс сералө.

— Гос — этө тэныт не тулуп, медбы шонтны. А ме-
нам эшө вешьянө тыас вадөм бөрын эз косьмы, видзөт.

Ния сулалисө ордчөн. Нийө кытшөвтис пемыт да
вөр, көда вөлі вылын, тшөк и лөнь. Пуэз весьтын кө-
дзыт биөн сотчисө шоч северной звездаэз. Тайгаын
часөт сэтшөм лөнь, нельки кажитчө: горөтан кө —
тысяча километр ылына пондас чеччавны говкыс по-
жуммезлөн да көззезлөн съөд йыввез кузя.

Павел вдруг летыштіс өртсө киөттяс:

— Кылан?

Кытөнкө неылын кажөтис валөжник. Сө матынжык,
матынжык. Зоночкаэзлись пөдтіс лолалөмнысө. Не-
ылын ны дынсянь вөрзьөтчис куст, туөк вылө петыштіс
неыджыт зверь.

Яков нетшкөвтчис одзлань, вөснитика чирөстис:

— Пашка, көин! Па-ашка!

Чужйисьлөмөн да съөкыта лолалөмөн друггез пе-
рыта чеччалисө кусттэз да мыррез вевдөрөт, а көиныс
совсем ни ордчөн, и Яковлө кажитчө, что сія кылө ас-
лас коккез вылын сылись пым лолалөмсө. Но Павел
вдруг сувтчө и сералө:

— Сулав, Яшка! Эта эд Кусака! Сулав, бөб!

Яков съөкыта лолалө, полөмөн да косөйөн видзөтө
кузь гөна зверь вылө, көда мирнөя өвтө бөжнас. Оні и
Яков төдіс Кусакасө — Василий Потупчиклісь вөра-
лан понсө. А вон и Василийыс локтө. Сылөн спина са-

яс двустволка. Ачыс сiя вылын мыгöра да паськыт пельпона.

— Ох тiйö, храбреццез! — кыз голосөн горötчис Василий. — Мыйись повзит?

— Дядя Вася, этö Яшка горötис: «Кöин!» — стыдитчöмөн баитö Павел.

— Тэ ачыт первöй пондiн котöртны, — сiдзжö бобгö Яков.

— Нет, батя, не первöй.

— Нет, первöй!

— Ладно, тырмас тiянлö! — лөгөн горötчис Потупчик.

Но зоночкаэз тöдöны, что сiя совсем абу лөг. Только голосыс сьлөн сэтшöм — горалö, кызз колодецын: бу-бу...

— Тiйö кытөн вöлит?

— Чериавны ветлим, дядя Вася.

— Но, молодеццез! А ме ылö ветли, сiдзжö öтикö-мöдикö вая.

Сы вылын öшалö пötкапöлöс, сiя оськалö сьöкыта, увереннöя. Сыкöt полöм оз пет, ась кöть öнi ош мыччi-сяс.

Мунiссез петiсö просека вылö, кытi кыссьö Герасимовкаö векнитик туй. Öнi деревня дынöдз матын ни — вон лудовка вылас кресттэз ни сьöдвидзöны. Эна кресттэс сулалöны эстөн важын; öтыс ыджыт, мöдыс учötжык. Сiсьмöмась, пöлинътчöмась тövвезсянь да зэррезсянь, но сё эшö сулалöны.

Эна кресттэз йылись стариккез висьтасьöны страшнöй история.

Тридцать год кыным бöрлань, көр Герасимовкаыс вöли эшö совсем учötик деревняокөн, эстi ветлылöмась коробейниккез — торговöйез, кöдна вузавлöмась быд-

кодъ поснит торсö. Вовлöмась ния татчö, Урал северö, Екатеринбургись (öни Свердловск), торгуйтöмась пристежжезöн, винаöн да донтöм ружьёэзöн, а вöраліссезлісь донтöма босьталöмась пушнина.

Кызкö öтпырись том герасимовскöй мужик Арсений Кулуканов караулитöма вöрас энö коробейник-кесö — купецöс да купчихаöс. Лыйöма охотниччöй ружьёйсь и инмöма купецлö юрас. А купецлөн кыз иньыс чеччöвтöма таратайкасис да, бöбись горöтлöмөн, уськөтчöма кусттэзö. Мортвиййсьыс вөтöма сійö лудовка вылас и вийöма сійö мөдик зарядөн.

Арсений и одзжык вöлі богатöй мужикөн, а сэксянь эшö öддьöнжык пондіс керöсö кайны: керис ыджыт да басök керку, заводитіс бур хозяйство. Перво сы бердö кутчисьліс Тавдаись волостнöй пристав, но мортвиййсьыс перыта вежтисис грабитöм золотонас. И протоколын пристав гижис: «Адззöмось вийöм купец да купчиха, кин вийис — тöдны эгö вермö».

А Кулуканов сувтöтис вийöммез могила вылын кык пуовöй крест — натьтö, сы понда, медбы эзö лыддьö сійö злодейөн.

Көр Василий Потупчик да зоночкаэз мунісö кресттэз дынöt, Яков гусьöник шуис:

— Дядь Вась, а эд кресттэз, видзöt, сісьмöмась... Натьтö, Кулукановыс виль кресттэз чожа сувтötас.

Вöралісь бобгыштіс:

— Ме бы сылö аслыс крест сувтötі!

Василий Потупчик синөн эз адззы Кулукановöс и эта йылісь баитіс сайласьтөг. Не öтик год сія батрачитіс Кулуканов ордын, а уджыс понда получайтіс только сёян. А көр корис расчёт, хозяиныс лыддис сідз: не сія должен вежтыны Потупчиклö, а Потупчик должен сыкöt вежтисьны сёян-юан понда. И не только Потуп-

чик вöлі Герасимовкаас сэтшöмнас: деревнясис куимöт часть батрачитіс Кулуканов ордын, и деревнясис куимöт частьлөн вöлі Кулукановлö долг. Хитрöй, ашнöй вöлі Арсений Кулуканов!

Потупчик кыкис кисет, пемытінас кокнита керис чигарка, öзтіс спича.

— Ме бы, челядь, — тшынсö лэдзикö пондіс баитны сія, — көбы менам воля вöлі, босьті бы миянлісь Арсенийсö да ссылнöй кулаккез дынö лагерьö. Сэтчин сылö местаыс!

— Дядя Вася, а мыйлö нійö татчö ыстісö?

— А медбы эзö мешайтö. Вежöртін? Украинаын да Кубаньын мужиккез колхоззэзö öтлаасисö, а кулаккез мешайтісö. Вот нійö и ыстісö татчö, северас. Но, а нылөн хозяйствозз колхоззэзö кольччисö. Делоыс, челядь, правильнöй! — Потупчик баитіс горөн и перыта, ачыс öвтчис ыджыт киэзнас. — Кулакыс сійөн и шусьö кулакнас, мыля йöz киэзөн хозяйствосö наживитö. Вежöртін? Вот босьт, шуам, миянлісь Кулукановсö. Ме сылö двадцать четвёртöйсянь тридцать первöй годöдз батрачиті. Год вöлись чулаліс, кызд ме сы дынісь муні. А ме разь öтнам сэтшöмыс? Батрацкöй ньылöм вылас да вир вылас и богатсяліс сія. А коли быдöс эта не тэнат, сет народлö! Сідз эд, челядь?

— Конечно, ме думайта сідз... Сылөн, дядь Вась, и фамиллёыс кулацкöй — Кулуканов. Дядь Вась, а көр мян Герасимовкаын колхозыс лоас? — юаліс Яков.

— А эта йылісь аслат дружоклісь юав. — Потупчик сьöлөмсянь серöмтчис, ассис сьöкыт кидолоньсö пунктіс Павелыс пельпон вылö. — Кылан, председательпян, көр инö айыт колхозсö организуйтас?

Павел эз шыась. «Председательпяннас» Павелöс шуисö деревняас шутитöмөн сысянь, что сылөн айыс,

Трофим Морозов, вöлі герасимовскöй советын председательöн.

— Колхоз — этö вели-икöй вын, — думайтöмөн нюжötис Потупчик. — Кытшöм олан, челядь, позьö лöсьötны! Кытшöм олан! Позьö вежötрны, мый оз вермы керны öтик морт, сийö позьö керны коллективöн. И мыля Трофимыс кыскö, ог вермы вежötрны.

Потупчик сувтчис, биокөн öгралан чигаркасö чапкис туй вылас, тальччис сы вылö сапогнас.

— Уна öтикö-мöдикö Трофимыс не сiдз керö, кызд колö, — сьöкыта ловзисьöмөн содтис Потупчик. — Ой, не сiдз...

— А мый сiя не сiдз керö? — юалис Яков и косöйөн видзöтыштис Павел вылö.

— Сiя думайтö, что сельсоветын председатель, — дак сылö быдöс позьö керны... Да мыля тэ менчим юаян? Тэ вон председательпияныслись юась...

— Но мый тэ кутчисин, дядя Вася! — горөн да лөгөн висьталис Павел, и голосыс сылөн пондис дрöжитны.

Яков дивуйтчöмөн кыскыштис ёртсö сосötтяс:

— Пашк, мый тэ?

— Эн вөрöt!

Павел перыта бергötчис да кусттэзöt иньдötчис деревняын тыдалан биэз вылö. Потупчик сувтчис, киэсö паськötис.

— Сулав, зонка, тэ мыйись лөгасин? — виноватöя кыз голосөн юалис сiя.

Павел мунис и юрсö эз бергöt ныланьö. Яков шушкыштис:

— Пашка оз любит, көр сийö этадз шуöны.

— Дақ эд ме шутити, мый сэтись лоас! — качайтис юрнас вöрались. — Мый сэтөн öбидитчыны?

АЙЛӨН КОНФЕТАЭЗ

Морозоввезлөн семьяыс ужнайтіс. Ужин кежас локтісö гөссез, Трофим Морозовлөн аймамыс, — дед Серёга да баб Ксения, а ныкөт — Трофимлөн девятнадцатьгодся племянник Данило.

Керкуын вөлі жар и дук. Осьтісö ыбөс. Югыт вылас чукөртчисö мошкаэз — нюрись гнус. Лампа гөгөрас гнусыс лэбаліс руд ройөн.

Трофим Морозов пукаліс пымалөм, гөрдөтөм, а уссэз вылас вөлісö нянь крөшкаэз. Ордчөн сыкөт пукаліс юөм винасянь гудыра быгалөм синнэза дед Серёга.

Пөрись ни дед Серёгаыс — сизимөт десяток. Юрыс серебрянөй, чужөмыс чукурреза. Пөрись ни дедыс, но эшö крепыт, не бабыс кодь. Бабыслөн нырыс старухалөн моз өшөтчөма пиньтөм өмыс весьтын, юрыс кыссьөма пельпоннэзас, пельпоннэз сайын — горб. А дед, көр юыштас, мукөд кадас эшö и йөктыны вермө, көть и коккес чукуляюсь.

Томнас, царь дырни, дед Серёга олөма Витебскөй губернияын, служитөма сэтчин тюремнөй надзирательөн. Начальствокөт асьсө видзөма бура, чукөртөма деньга. А сыбөрын семьянас локтөма Герасимовкаө, пустөй уральскөй муэз вылө, пондөма заводитны хозяйство.

Сылөн мөд зоныс, Трофим, недырмыйись гөтрасис, янсөтчис, ордчөн айыс оградакөт строитіс аслыс керку. Кольчис дед бабкөт да Данилокөт — внучекыскөт. Эта внучекыс вөлі дедлөн первөй зоныссянь, көда куліс. Хозяйство бур, а дедлө сө, етша: көть мыйсө заптө и заптө да и Данилосө этаө жө велөтө.

...Павел кайис посөдзө, видзөтыштіс осьта ыбөсө. Дед, юрнас качайтөмөн да синнэсө чикыртөмөн, жеркөтчан голосөн сьыліс:

— Зэв га-ажа кадыс вө-өлі сэк, гуляйті ме бура... и-их!..

Быдөнныс мылякө сералісө. Вөснитика да горөн сераліс гор вылын Павеллөн учөтжык воныс, кыкьямысгодся Федя. Только совсем учөтик, кватьгодся Роман дивуйтчөмөн барөтіс дедыс вылө гөгрөса синокесө.

Федя казяліс порог вылісь пөрисьжык вонсө и чеччөвтис гор вывсис:

— Павка локтіс! Ой, видзөтө жө, тыпыввесө мымда вайис!

Дед сувтіс коккез вылас:

— А-а, черикыйись! Но, лок, лок татчө, внучек.

Керкуын пукаліссез вылө косөйөн видзөтікө Павел мунікас гусьөник юаліс вонысліс:

— Айным абу лөг?

— Гажа, Паш, деднымкөт песняэз сьылө.

Айыс курччалыштіс яй торок, чышкис бытшөмика кидолоньнас өмсө.

— Тэ, зону, мыля сэтшөм сөрөн?

— Ылө пыримө, тятю... Ты мөдөрас вөлім.

— Вөян вот сідз көр-нибудь. Но, пуксы, сөй. Татьяна, чөвт сылө шыдсө.

Мамыс вайис шыдөн бекөр, пуксис зоныскөт ордчөн.

Татьяна вөлі винерик да блед, ассис тридцать пять годсө олікө сія пыр уджаліс, а гажсө адззыліс етша. Челядь кад коста эз удайтчы велөтчыны: батрачитіс богатөй сосед ордын. Жөниксайө петөм бөрын кокнит олансө тожө эз адззывлы. Хозяйстволө да челядьлө

сетлыліс здравье и вын, но челядылө Татьяна вөлі
өддьөн рад.

Вон Пашкаыс кытшөм ыджыт да вежөра быдмис!
Школаын медбур велөтчись. Учительница Зоя Алек-
сандровна баитө, что Пашкалө обязательно колө ве-
лөтчыны одзлань. Может, лоас докторөн нето велөти-
сьөн. Гортө быдкодь книжкаэз ваялө да газетаэз лыд-
дытө. И мамсө велөтис слоггез сьөрти лыддытны да
гижсьыны. Перво серөм петис, думайтис — быдөс эта
велөтчөмыс весь, а сьбөрын любо лоис букваэзись
аркмөтны кыввез и вежөртны энө кыввесө.

Быдөс бы вөлі бур, только Трофимыс челядыскөт
чорытөв, медөддьөн Павелос мылякө оз любит.

Татьяна ласкова видзөтө зоныс вылө, малалө чорыт
кинас сьлысь неволькыт сьөд юрсисө:

— Пашутка, жагөник панясь — виньдан...

Павел сөйө, пым шыдыс сотө, сия чикрасьө, пөлялө
пань вылас и косөйөн видзөтлө очавон Данило вылө.
Данило пукалө, скамья вылө валитчөмөн; синнэс,
кыз дедыслөн жө, гудыраөсь да векнитикөсь. Вылись
тырп вылас сьлөн быдмө, но некыз оз вермы быдмы-
ны, шочыник рыжөй пух. Павел төдө, что Данило ныр
увтсө часто зыртө бритваөн, медбы буржыка быдмисө
уссэз. Охота сьлө вачкисьны ыджыт мужик вылө. Вот
и часөт сия пукалө да некывзись, код чуннезнас керө
чигарка. «Ошшасьө», аскөттяс шуө Павел.

Данило эз вермы керны чигаркасө: кисьтис табак-
сө. Корө дынас гусьоник Федяос, нюжөтө сьлө стакан
и шушкө:

— На... юышт.

Федялөн синнэс гөгрөсмөны, сия качайтө юрнас:

— Ачыт ю. Пашка шуө — челядыслө оз туй
юны. — И сия полөмөн видзөтө ыджытжык вонис вылө.

Федя преданнӧя любитӧ Павелӧс и кӧть мыйсӧ старайтчӧ керны сы моз. Эд арсяняс Павел пондас велӧтчыны нӗльӧт классын ни, а сӧя, Федя, мунас только первӧй классӧ. И сӧсся эшӧ, Павел — пионеррез отрядын вожак, сӧйӧ кывзӧны быдӧс челядь. Чулалас кык год, и Федя тожӧ лоас пионерӧн!

Данило сералӧ:

— Мыйсӧ эшӧ Пашкаыс оз висьтав... Кин сӧя тӧныт?

— Вон.

— Ме эд тӧныт тожӧ вон.

Федя чӧлӧ, мыйкӧ думайтӧ.

— А тӧ не пионер! Вот! — шуӧ Федя.

— Пио-онер! — лӧгӧн нюжӧтӧ Данило.

Ксения баб грӧзитӧ сылӧ чуньнас:

— Мыйӧ тӧ Федюшкасӧ велӧтан, разбойник!.. Пуксы татчӧ, внучек. — Бабыс пуксьӧтис зоночкасӧ ордчӧн, любитыштис.

Дед Серӧга гажӧн качыкнитӧ юрнас Павел ладорӧ:

— Федюшкалӧ оз позь, а ыджытжыкыслӧ туйӧ ни велӧтчыны юны.

Трофим шынняялӧ код синнэзнас, кыссьӧ Павел дынӧ, жмитӧ сӧйӧ бердас:

— Зону, лок ме дынӧ, милӧй...

Трофим дзырыт и пымалӧм, сы дынись ӧддьӧн вайӧтӧ вина дукӧн, но Павелӧс сыбура дивитӧ айыслӧн эта видзчисьтӧм, важын ни вунӧтӧм любитӧмыс, что сӧя жмитчӧ айыс бердӧ и баитӧ гусьӧник да радӧн:

— Тятю... тятю...

Мам видзӧтӧ ны вылӧ шынняялӧмӧн. Сы блед чужӧм вылын тӧдчӧ радуйтчӧм.

— Важын ни бы сӧдз... А то совсем вунӧтӧн, кыдз колӧ челядьсӧ любитны.

Айыс окалө зоночкасө ва тырппезнас, сетө сылө стакан:

— Ю, зону, тятюыт понда. Тятюыт здоровье понда!

— Дядя Трофим, сылө оз позь: сія пионер,— дразнитөмөн шуө Данило.

Татьяна чепөссө:

— Трофим! Тэ мый, бөбмин? Зонкаокыслө тринадцать год... Эн кывзы сійө, Пашутка!

Но Павел нерешительнөя босьтө стакансө:

— Сулав, мам... Тятюө понда эд!

— Па-аша! — кивөстө Федя.

Татьяна лөгөн горөтө:

— Трофим!

— Но ладно, ладно, ог понды... — виноватөя серөмтчө Трофим. — Вай, Таня, чай...

— Вот-вот — чай...— Татьяна лөньсьөмөн шыннелө, жагөник вештө дынсис Романөс, велалөм движениэзөн дзимлялө пызан вылись.

— Чай, — шуө дед, — сійө бур юны сэк, көр эм мый-либо чөскыт. А тиян эм мыйөн юны чайсө?

— Отік-мөдік эм, — паскөтлө өмсө да мигайтө Федялө Трофим. — Чөскытыс эм.

Сія пезьдалөмөн петө пызан сайыс, осьтө шкапыбөсок.

— Крефетаэз! — счастливөя кивзө Федя.

— Вай, тятю! — сідз жө вөснитик голосоқөн кивөстө Роман.

— Начинкаөн! — Трофим шовкнитыштө кывнас да, кулөкнас өвтчикө, пондө серавны кирган голосөн. — Кооперативө талун вайисө, но, ме и босьті. А главнөйыс — некытшөм деньга эг вежты! Советлөн председатель!



Челядьлө сия сетис кык конфетаон. Федя перыта мышкыртчис пызан весьтас и конфетаэсö вевттис кидолоньнас, бытьтö этö жучоккез, кöдна лöсьöтчöны лэбзыны. Сыбöрын Федя дзарнитис пöрисьжык воныс вылö. Павел пукалис гөрдötөм и кымöра. Сия эз вөрзöт конфетаэсö.

— Конфетаэсö ме ог понды сёйны, — гусьöник горötчис Павел.

— И ме ог понды... — висьталис Федя.

Быдöнныс видзöтыштитсö Павел вылö. Айыс öт синсö куньыштитс:

— Мыля жö тэ он понды нийö сёйны?

Павел чöлис.

— Но?

— Сийön что... сийön что...

— Мыля?

Пызан увтсис кокнас Павел адззис тас и эта дырни думайтыштитс, пондас я тасыс мешайтны, ковсяс кö Павеллö пышшыны.

— Сийön что... мыля тэ босьтін конфетаэсö? — эшö öддьönжык гөрдötикö висьталис Павел. — Босьтін, а деньгасö эн вежты!

— А деньгасö эн вежты... — гусьöник, говк моз, висьталис Павел бöрын Федя.

— Паша! — горötис мамыс.

Дед Серёга вөрзöтчис, пондис качайтны юрнас.

— Неладно тэ, внучек, айыт йылись баитан!

— Ась сия оз кер сийö, мый оз позь керны! Сия думайтö, что председатель, дак сылö быдöс позьö керны!

Трофим кымöртчис. Усыс сылön вöрис.

— Сидз... — кыввесö нюжлалёмön пондис сия баитны лөнсьöм керкуас. — Сидзкö, тэ сьöрүг ме — вор? Сия лөгön летыштитс косксис ременьсö.

— Дугды, Трофим! — дед кутыштіс сійö йөрнө-
сөттяс. — Кылан, дугды! Учөт эшö сія, нем оз вежөрт...
Быдмас — вежөртчас.

— Дак ме мыччала тэныт, кытшөм ме вор! — Тро-
фим нетшкөвтіс дед киэзісь ассис йөрнөссө, оськөвтіс
зонысланыö.

Татьяна чеччөвтіс, сувтіс жөникыс одзö:

— Эн вөрөт Пашкасö! Кылан? Эн вөрөт!

Трофим лөгөн тойыштіс иньсö, өвтыштіс ремень-
нас.

Павел видзчисис этö движеннөсö, сія көстісис и
нильдөтчыштіс мөдөрö. Ременьыс вачкис скамья кузя.
Зоночка осьтіс öшын, чеччөвтіс пемытінас.

Минута дырна Павел сулаліс ворота одзын, кывзіс
айыслісь ыждалөмсö. Павеллөн тшөкаыс вөрис.

Посөдз вывсянь котөртис сыркьялөмөн горзісь Фе-
дя, сія сибөтчис воныс дынө:

— Пашк... вартліс... зубыт.

Сыбөрын петіс дед, гусьөник кытсаліс Павелсö:

— Бөб тэ, айыт эд шутитіс... — Сія нюжөтіс зоноч-
калө конфета: — Босьт! А узыны талун, челядь, ме
ордö локтö, а то айныт вартлас тіянөс. Видзөт тэ —
өдззөтчис... Да босьт конфетасö, айыт эд шутитіс.

Павел норовитыштіс, но конфетасö сөжө босьтіс.

Г л а в а ІІІ

В Ö Р Ы Н П Е С С Ь Ö М

Ойнас зэрис. Но асьяпоннас небоыс мичамис, и
тайга весьтын пондіс югьявны шонді; сія пөжьяліс быд
турунокын, быд листокин.

Пөльтіс шоныт лунтөв. Пуэз вылын гусьөник кы-
шөтісö листтэз, ны вылісь киссисö гырись зэр воттез.

Вөрөт мунис руд платьеа нылочка. Пуэз вылісь кис-
сян зэр воттезянь сылөн кудель рёма дзугсьом чики-
сёккес вөлісö вомөмөсь.

Кузь турунөт оськалікө сія видзис платье подуvsö,
и ва туруныс приятнөя павкөтліс сылісь сотчөм пи-
дзөссэсö.

Неыджыт лудовкă вылын нылочка пуксьыштіс көр-
кө буряөн пөрөтөм пу ствол вылө. Сы гөгөр төлыссянь
кышөтіс турун, и быд ладорсянь сы дынөдз локтіс
зэрөн миссьөтөм вөрлөн гажа шум. Вайөтіс цветтэз ду-
көн да ульсөт дукөн.

Кытшөмкө песняок ныр увтас сьылікө да шынняли-
кө нылочка видзөтіс өтмөдөрө. Ордчөн ськөт кузь зе-
лөнөй заок вылө пуксис ыджыт бархатнөй балямөш, и
сы сьөкыта увтын заокыс пондіс жагөник окласьны.
Балямөш перебирайтис гөна кококкезнас, вөрөтіс стек-
ляннөй бордоккезнас и, сы вылө видзөтікө, вөлі гажа.
Нылочка пондіс серавны и нюжөтіс сыланьö кисö. Ба-
лямөш повзыштіс, нетшкөвтчис вывлань да, круггезөн
сё вылөжык и вылөжык лэбзикө, сайөвтчис пуэз ко-
ласö.

Балямөшсö син вывсис өштөм бөрын нылочка сьө-
кыта ловзисис, нюжөтчис, пунктис юр увтас кисö да во-
діс пу ствол вылө. Вөрись говкыс сійö люлльөтіс, и сія
синнэсö кунис.

— Вот и ысты сійö эта бөрсянь разведкаас! —
вдруг нылочка кыліс кинліськө недовольнөй го-
лос.

Сія тэрмасьөмөн чеччөвтис и лөсьөтіс платьесö.

Сы одзын челядькөт сулаліс Павел.

— А мый... ме нем эг кер умөльсö... — стыдитчө-
мөн горөтчис нылочка.

— Да, нем эн кер! — ёрттэс вылө гажөн видзөтлі-

кө серөмтчис Павел. — Нем эн кер, только сійөн и вөр пасьтаас кылө ныргорөн узьөмыт.

Нылочка өбидитчөмөн висьталіс:

— А ме эг и узь. Только недырик кежө синнэзөс куньлі...

— Ладно, — миритөмөн моз шуис Яков. — Проститам сійө талун. Өддьөн ни бура сія дорожнөй знаккесө велалөма керны. Самөй деревня дынсянь эд сы дорожнөй знаккез сьөрті мунім и эгө сорасьө.

— Ась лоас тэ моз, проститам, — согласитчис Павел, ачыс сө эшө шынняліс. — Тэ, Мотя, сідз и төд: дисциплина нарушитөмтө прощайтам тэныт только сійөн, что бура сувтөтін дорожнөй знаккез.

Павел муныштіс бокө, видзөтіс быдөнныс вылө да сетіс команда:

— Отряд! Линейка вылө!

Пионеррез сувтісө лудовка вылө. Керисө переклика: сбор вылө локтөмась дас морт. Эз вөв өтік пионерка — Клава Ступак.

— Вежөртана! Нывкаоккез — ния көть көр позоритөны! — бобгыштіс Яков.

Мотя грөзитіс сылө чуньнас:

— Но-но, тэ жагөнжык нылочкаэс йылісь!

— Дугдө баитны! — строгөя горөтыштіс Павел.

Сія чөлыштіс, командир моз видзөтіс строй вылө да торжественнөя висьталіс:

— Герасимовскөй отрядісь юнөй пионеррезлісь очереднөй сбор өбъявляйта осьтөмөн! Рабочөй дело понда песьсьөм кежө лоө готовөсь!

И челядыс не өддьөн дружнөя, но сы туйө сьөлөмсянь да горөн висьталісө:

— Пыр готовөсь!

— Знаменосец, лэбтыны флаг!

Яков тэрмасьомөн кыскыштіс писис гөрд флажок. Кыдзокись стружитом шест сия жмитіс пидзоссэзнас да крепитіс флажоксө шест йылас. Сыбөрын Яков петіс стройись и мөртіс шестсө зэр бөрын небыт муө. Учөтик гөрд флажок пондіс павьявны.

— Вольно! — сетіс команда Павел.— Пуксьө, челядь, кытөн көсжык.

Ии сайись сия кыскыштіс газетаө аккуратнөя каттьөм книга. Этө вөлі Горькийлөн «Мам». Велөтчан год конецын Павеллө книгасө козьналіс Зоя Александровна. Перво пионеррез мөдісө лыддьөтны книгасө очередь сьөрти. Но сыбөрын решитісө, что этө буржык логас керны өтлаын быдөнныслө — сборрез вылын. Сідз некинөс өбида оз кут, а книгаыс сэтшөм интереснөй!

— На, Мотя, лыддьөт, тэнат очередыт.

Мотя осьтө книга. Сылөн голосыс горалө лөня да ровнөя.

И вот тайга өшө. Быдөнныс кыз бытьтө сюрисө мөдік мирө. Павеллөн пыма токөтө сьөлөм. Мортсө, көда йылись гижө Горький, шуисө тожө Павелөн. Кытшөм этө замечательнөй морт! Кытшөм отважнөя сия пессис свобода понда, народ счастье понда!

Мотя лыддьөтө:

— «Пондіс горавны гудок, көда аслас сьөд шыөн ньылыштіс отирлісь шумсө. Отирыс дрөгнитісө, көдна пукалісө, ния чеччисө, минута кежө быдөс кулавліс, уна чужөммез лоисө бледось.

— Ёрттэз! — кыліс Павеллөн голос, гора да крепыт.

Мамлісь синнэсө сотіс көс, дзырыт туман. Мамыс вдруг крепамөм телолөн өтік движеннөөн сувтіс зоныс бөрө. Быдөнныс бергөтчисө Павелланьө, кытшөвтісө сійө, бытьтө көрт тусөккес чукөртчисө магнит гөгөр.

Мам видзётіс Павел чужомо и адззіс толькo гордой, смелой да сотчан синнэз...

— Ёрттэз! Мийо рэшітiм веськыта висьтавны, киннэз мийо. Талун мийо лэбтам ассыным знамя, разумлісь, правдалісь, свабодалісь знамя!

Воздухын мыччсіс чочком да кузь ороп, кода пoлiнiтчiс, янсoтiс отірсо, сайoвтчiс сы коласын, и мiнута бoртi вивлань лэбтoм отир чужoммез весьтын гoрд кайoн лэбтiсiс рaбoчoй народ знамялoн пaськыт от».

Волнуйтчoмсянь Мoтjялoн гoлoсyс пoндo дрoжитны. Сiя пыдына лoвзiсьo и чужoмсo бeргoтo пioнepскoй флaжoклaнь, кoдa, бытoтo бикыв, пaвьялo зeлeнoй турун коласын. И oтлaын Мoтjякoт aслaныс флaжoк дынo бeргoтoны чужoммезнысo бyдoс пioнeppeз.

— Разумлісь, правдалісь, свабодалісь знамя... — гусьoник пoвтoрjяйтo Мoтjя.

Вдpуг Яков чeчoвтo мeстacіс. Сылoн чужoмыс пoвзьoм.

— Кылат? — шушкo сiя.


Вoрын кинкo гoрoтліс.

Да, oнi кылoны бyдoнныс, кытoнкo нeылын гoрoтлo Клaвa Ступак.

Пioнeppeз oшoмoн вiдзoтoны oтaмoдныс вылo, сэсся сувтoны. Лудoвкa вылo кoтoрoн пeтыштo Клaвa. Сiя сыркьялo и сыбура блeдoтoмa, чтo сы чужoм вылын тшoк пoнпyтшшeз тyдaлoны эшo бyрaжык, нeжeли пыр.

— Чeлjядь, — oрлaсян гoлoсoн бaйтo Клaвa, — мeсьoрo вoтчoны сaкoвeцeз!.. Изoн coтiсo.

«Сaкoвeцeзoн» Гepacимoвкaын шуисo чeлjядьлісь гpуппa нy глaвaрь Пeтjкa Сaкoв ним сьoртi. Сaкoвeцeз кepлісo oтpядыслo унa умoльсo. Пepвo, сы бoрсянь



көр школаын вөлі организуйтöма пионерскöй отряд, ния быднөж мешайтисö чулөтны сборрез. Если пионеррез öксьылисö классын, ния жугдалисö стеклоэз, чапкалисö пионеррез вылө кулөм шыррезös. Сыбöрын, көр школаын занятиезз эзö лоö и пионеррез, саковецез шогья сайласьöмөн, пондисö öксьывлыны вöрын, Петька да сылөн друггез пондисö караулитны пионерресö öтикөн.

Бледötөм Павел сибötчис Клава Ступак дынө.

— Кытөнөсь ния? — гусьöник юалис сия.

И сия жö секундаö сыланьö кысянькө лэбзис из. Павел перыта мышкыртчис, и изыс павкötис сийö только небура.

— Трус! — лөгасьöмөн горötис Павел. — Иззэзөн шупкасян, а петны он лысьт!

Этö вөлі вызов. И сэк жö кусттэз паськалисö, и лудовка вылө петис Петька Саков. Этö вөлі рыжöй дзугсьöм юрсиа зонкаок. Киэсö карманнэзö суйöмөн сия лөгөн видзötис пионеррез вылө. Лудовка вылө сьöрсьөн-бöрсьөн петисö саковецез.

— Но, кин трусыс? — юалис Петька, ачыс улись тырпсö öшöтыштис да сьövзис пельпон вевдөрötтяс.

Павел оськөвтис сылө паныт. Сия сьöкыта лолалис.

— Видзötлы, Петька, аслыт эд умöльсö керан!

— А тэ эн повзьötлы! Ме ачым кужа повзьötлыны.

— Мийö огö вөрötö тиянös, и тийö эдö вөрötö миянös.

— Вот тэ кытшöм!

— Кытшöм?

— Öддьөн ни важнöй. Кыдз жö — коммунист!

— А тэ подкулачник!

— Вот босьтамö флагнытö да тороккес вылө косявлам!

— А ноко, пондыв!

— И пондыла!

Приятеллез ускайтисö Саковсö. Сія шатласьöмөн-моз сибöтчис отряднöй флажок дынö. Павел оськаліс ордчөн, пельпон бердö пельпон.

— А ноко, пондыв! — мөдпырся горötчис пиннез пыр Павел.

Саков шы эз сет. Сія жагöник кыскис кисö кармансис и вдруг перыта нюжötис сійö флажок дынас. Секунда бöрти Павел и Саков туплясисö ва турун вылын. Отсавны Петькалö тэрмасисö приятеллес.

И эшö кынымкö секунда бöрти лудовка вылын му-нис ыджыт пессьöм. Нылочкаэз сулалисö бокыномоз да горөн кивзисö.

Саковецезлөн вынныс вöлі ыджытжык. Мотя полöмөн видзötис, кыз ны коласись öтик совсем матын вöлі флажок дынас, сія мөдіс сійö летыштны. Мотялөн сьölöмыс öддён пондіс пессыны.

— Ах тэ гад! — вдруг пельчанötана голосөн кивöстис Мотя. Сія чувствуйтис, что немись сэсся оз пов, и уськötчис враг вылö.

Öт кинас сія кутчисис зонкаыс юрси бердö, а мөд-нас пондіс быд вынись сійö гыжьявны. Противник эз видзчись сэтшöм отчаяннöй храбростьсö. Сія пондіс горötлыны, сэсся нетшкövтчис, мездötчис да кутчис позорнöя пышшыны бой мунан местасис. Мотя котöр-тис бöрсяняс да сötалис сы спина кузя кулаккезнас.

— Ах тэ гад! Да ме асланым флаг понда синнэтö гыжьяла!..

Полöмыс заразительнöй. Öтик бöрсянь пондісö пышшыны мөдіккез. Петька Саков пышшис медбöрын, öмсис турун сьölаликö да чужöм вылötтяс вир мав-тікö.

Но победаыс пионерресö эз гажöt. Сбор вöли дзугöм. Ния чöлöмөн чукöртчисö Павел гөгөр. Сьöкыта лолаликö сия осторожнöя пешлис чуннезнас син увтас пöльтчöм лöz швав.

Шысеттөг мунисö деревняö. И только сэк, көр пуэз коласöt пондисö тыдавны керкуэз, Павел видзöтыштіс Мотя вылö и вдруг паськыта шынньöвтис:

— Вот тэ кытшöм повтöм! Көть и нылочка!

Г л а в а IV

Т Р Е В О Ж Н Ö Й Р Ы Т

Василий Потупчик петис посöдзö. Синсö куньыштöмөн дзарнитис небо вылö.

Посöдзын пукалис Мотя. Ордчөн ськöt кекеркаөн пукалисö Павел да Яков. Куимнанныс мыйкö йылись пыма баитисö. Көр казалисö Потупчикöс — лөнъсисö.

— Тятю, тэ мый видзötан? — юалис Мотя.

— Бöра мöдö зэрны.— Сия гыжьылыштіс рыжöй тошсö. — Ой кежас мöді ты дынö ветлыны — не мунны лоас.

— Зэрны? — Яков чеччис да видзötіс горизонт вылö.— А шонді лэдзчаніныс югыт, дядя Вася.

— Вот адзылан. Ме кыз охотник адзза, көр лөсьötчö зэрны. А тійö мый йылись сэтөн шушкötчат?


— Да сідз, быдкодь делозэ йылись.

— Делоэз! Видзöt тэ, кытшöм деловитöй морттэз! — Сия кыз голосөн серöмтчис.— Ныліньöй, а тэ бы тятюытлö сёйны лөсьötін.

— Тятю, сёяныс горын, тэ ачыт верман судзötны.

— А тэнат дышыт петö?

Мотя кеймисьöмөн шуис:



— Тя-ятю...

— Но ладно, пукав, мый ни тэкöt керан! — Ачыс макнитіс кинас да пырис керкуö.

Челядь гусьöник баитісö одзлань, кадісь кадö öта-мöднысö öмалöмөн. Пондіс пемдыны. Керкуэз кола-сын вөрлөн пемыт визь весьтын жагвыв кусö заря. Эта рытса часö деревняын вöлі лөнь, кытөнкö ылын-ылын кыліс гармонья шы.

Оссис воротка. Посöдз вывсянь паныт локтісь мортлö чеччöвтіс көмтöм Мотя:

— Ёрт Дымов!

— А-а, Мотя! — Мортыс шынньöвтіс, эта дырни югйöвтісö сьлөн крепыт пиннез.

Дымов вöлі том, паськыт пельпона, кизявтöм ворота чочком йөрнöса, дзуртан сапога.

Ўбöсісь мыччисис Потупчик, приветливöя кыз гo-лосөн шуис:

— Вот кытшом бур, и квартирантным локтис! Как раз ужин кежө.

Павел петыштис одзлань, полөмөнмоз висьталис:

— Ёрт Дымов, мийө тэ дынө делоон...

— Кытшом делоон, Федя?

Мотя серөмтчис:

— Эта эд не Федя — Федяыс учөтжык. Этө Федялөн вон...

— Ой, кытшом ме вунөтчись! — Дымов смешнөя өвтыштис киэзнас. — Извинит менө, пожалуйста! Но, Паша, ме кывза.

Сия пуксис порог вылө, тачкөтис чуннезнас портфель кузя и интересөн видзөтис челядь вылө. А ния сулалисө сы одзын и видзөтлисө өтамөдныс вылө.

— Мийө изба-читальня йылись, — пондөтис Павел. — Сия өни всё равно пөдналөм. Кыдз только учительница мунис каникуллэз вылө, сидз изба-читальнясө и пөдналисө. Дак вот мийө сэтчин мөдим пионерскөй клуб осьтны.

— Клуб?

Дымов пондис думайтны. Кык лун вөлись чулалис, кызд сия районнөй центрись локтис Герасимовкаө проверитны, кызд сельсовет лөсьөтчө няньзаптөм кежө. Дымов эз думайт кольччыны татчө дыркежө: партия райкомын лыддисө, что Трофим Морозов бур председатель и ачыс кужас объяснитны населеннөлө, кытшом важно вузавны государстволө лишнөй няньсө. Но вөлөма, что Герасимовкаын делөэс умөльөсь. Виль мортыс локтөмлө өддьөнжык радөсь вөлисө челядь. Бытшом народ!

— Дак тэ, Паша, шуан — клуб? — Дымов босьтө кепка, думайтөмөн малалө кинас юрсисө.— Делоыс

бур... Только медперво колö осьтны изба-читальня. Тіян кыным пионер?

— Одиннадцать,— тэрмасьомөн шуö Яков.— А вот сія, Пашкаыс, миян вожак. Миян вожатöйнас учительница Зоя Александровна вöлі, сія комсомолка. А öні сія только арнас локтас. Сія каникуллэз вылö муніс, шоччисьны.

— Но вот,— шынняялö Дымов,— тійö только одиннадцать, а мымда деревняас отирыс! Кыдз жö быдöннысö изба-читальнятöг кольны? Пионерскöй сбор вылын бöрйö толковöй пионерöс, и ась сія осьтö изба-читальня.

— Вот сійö,— мыччаліс Мотя вылö Павел.

Нылочка радөн гөрдötö.

— Мотяöс? Öддьөн бур! Сідзкө, тэ, Мотя, лоан изба-читальняись заведующöйлісь обязанносттесö временнöя исполняйтисьөн. А? — гажөн чикыртö синнэсö Дымов.

— Но, ныліньöй,— порог вылісь кылö Потупчиклөн гора голос, — öні тэ он понды мекöt тöдчыны!

Дымов кыскö асланяс Павелöс:

— А тійö отсалö сылö. Но? Öткө — очередь сьöрти дежуритны. Мөдкө — выпишитам газетаэз, журналлэз, книжкаэз. Книжкаэзас, челядь, колхоззэз йылісь гижöма! Но, а эта жö изба-читальняын и тіялö, пионеррезлö, позяс öксывлыны...

— Ёрт Дымов, — усьö тöдвылас вöралісьлö, — а ужиныс сайкалö!.. Тырмас тіялö, челядь! Совсем мортыслö зника од сетö!

— Локта, локта, дядя Василь, — сувтö кок вылас Дымов. — Дак тэ, Паша, висьтав айытлö эта йылісь. Ась сельсоветісь председатель отсалö тіялö изба-читальнясö осьтны.

Павел чөлө.

— Но мый, висьталан?

— А тэ... ёрт Дымов... ачыт сылө висьтав...

— Мыля?

Павел бөра чөлө. Вөралісь гусьоник шуө:

— Ая-зона ния озө лөсялө.

— Озө лөсялө?

— Мыйнө, айыссиянь сылө унаись сюрліс. Ме орд-чөн ныкөт ола, меным быдөс тыдалө... Сідз эд, Пашка? Ме эг вунөт, кызд сія вартліс тэнө, көр тэ пионерас гижсин.

Дымов перыта бергөтчө Павелланьө и внимательнөя видзөтө стыдитчись зоночкалөн ыджыт сьөд синнэзө.

— Дак сія тэнө вартліс, Паша? — гусьоник юалө Дымов.

Павел мышкыртө юрсө да бобгө ныр увтас:

— Эз вартлы... дядя Вася... мый тэ... — Сія оз вермы адззыны кыввез, курччалө тырпсө и вдруг баитө:— Ёрт Дымов, а төн тэ баитін, что сетан миянлө лозунггез гижны. Эн вунөт, няньзаптөм йылісь и колхоззээ йылісь?

Уполномоченнөй серьёзнөя видзөтө Павел вылө, мыйкө думайтө:

— Сета, Паша... Вот ужнайта и гига. Видзчисьышт минутка.

Челядь кольлалөны синнэзнаныс Дымовөс и Потупчикөс, сэсся пуксьөны посөдзө. Пемдіс ни, керку өшыннэзын өзйисө биэз. Деревняын лөнь. Пемытінас локтыштіс төв, вөрөтыштіс юрсинысө и бөра лөнис.

— А былись эд зэрны мөдө, — ышловзисьө Яков и вдруг жөв керсьөмөн мыйкө пондө кывзисьны.

Улицасянь кылө женскөйлөн лөг горөтлөм:

— Яшка! Яшка!

Яков чеччөвтө.

— Ой, челядь, сюри! Мамө корө... Локта, мам! — Сія чеччөвтө забор вевдөрөт и сайөвтчө пемытинин.

Павел и Мотя пукалоны чөлөмөн. Мотяыс дыр видзөтө Пашалөн небурика тыдалан чужом вылө и шушкө:

— Паш...

Паша оз кыв и одззамоз пукало вөрзьөтчытөг, пидзөс вылас гырдызанас нырыштсьөмөн да кидолонь вылас тшөкасө пуктөмөн.

— Паш...

— Мый?

— Мый йылись думайтан?

— Да сідз... — лэбтыштіс пельпонсө Паша.

— А ме тожө любита думайтны... Быдөс йылись, быдөс йылись! Төдан, көр өддьөнжык думайтсьө? Көр узыны водан... Сідз эд? А тэ вөтасьлан?

— Вөтасьла.

— Ме өтпырись вөтаси, что Герасимовкаын керкуэз стекляннойсь и электричество эм.

Павел интересуйтчөмөн видзөтыштіс Мотя вылө и убеждённөя висьталіс:

— Электричествоыс былись лоас. Эн на вунөт, кыз Зоя Александровнаыс баитіс, что быд деревняө керасө электричество. Вот перво только колхоз колө...

— Только стеклянной керкуэз озө лоө — жугаласө... — Мотя съөкыта ловзисис. — Паш, а өтпырись ме тэнө вөтаси...

— Менө?!

— Мыйнө. А ме тэныт некөр эг уськөтчыв вөтат?

— Эн... — чөлөм бөрын шыасис Паша.

Ылын шумитіс тайга, сё матынжык да лөгжыка
Деревня вылө уськөтчис вына төв, кёда лолаліс ылісь
нюррезісь ульсөтөн, вөрись баг да лыс дукөн. Крыша-
эз весьтын лэбзыштіс йыла чарньөв, кёда сэк жө ку-
сіс, кыз бытьтө ваё вөйис.

Карчйөрын пондіс вувтны пон.

— Кин вылө Кусакаыс вувтө? — Мотя чеччөвтис,
төлөн летан платьесө пидзөссэз вылас видзыштлө-
мөн.

Мотя сайөвтчис керку сайө, но Павел кыліс сылісь
вөснитик голосоксө, көдө нөбөтіс төв:

«Кусака! Кусака! Ту, ту! Кинлө баита! Кусака!»

Керкуас мыйкө гольнитіс. Сьөкыта лолалөмөн ны-
лочка локтыштіс посөдз дынө:

— Кин жө эта вөлі, Паш? Карчйөррезөт муніс пе-
рыта эд...

Павел сувтіс:

— Кытчө?

— Да пемытінас разь төдан? Кыз бытьтө тиян
карчйөр дынө муніс. Да тэ пукав...

— Кад ни гортө котөртны, — пемытінө полөмөн
видзөтікө висьталіс Паша, — а то мамө видны пондас.

Посөдзө петісө Потупчик да Дымов.

— Вот ме и думайта, ёрт Дымов, — горөн баитіс
вөралісь, — если мян, кыз тэ баитан, лоас колхоз да
мырресө шедталас, дак лоас бур дело! А то эд мян
сідз: петас мужик гөрны, нырыштяс гөр вылас, ви-
дзөтан — мыр! Лэбтыштас мырыс вевдөрөт гөрсө —
бөра мыр! Кытчөдз полоска вылөт мунас, спина бердас
йөрнөсыс лякаяс и вөлыс пымалөм боккезнас өдва
лолалө. Да гнусыс эшө өдөлейтө!

— Дядя Василь, гөрсө тракторнөй плуг вылө ве-
жам.

— А ме трактористкаөн лоа! — висьталіс Мотя да гажтёма содтіс: — Только тракторсө ме эг на адззывлы.

— Адззылан, Мотя! Обязательно... Ого! — гыман небо вылө видзөтікө горөтіс Дымов.

Нылочка серөмтчис:

— Стариккез байтөны — сэтшөм ойезөн могилаись ния купеццес петөны.

— Кытшөм купеццез?

— О, этө, ёрт Дымов, интереснөй делойс! — серөмтчис Потупчик.

Сия любитіс байтны, көть көр вөлі рад собеседниклө и өні, довольнөй, пондіс подробнөя висьтасьны купеццез вийөм йылісь история.

— Сулав, — Потупчикөс внимательнөя кывзөм бөрын шуис Дымов, — кызд шуисө этө мортсө?

— Кулуканов... Медбур мусө аслыс босьтіс! Сэтшөм кулак!

— Хм!.. — Дымовлө лоис өддьөн интересно. — А сельсоветын эта мортыс кулакнас оз лыддиссьы. Сідз и гижөма: середняк Кулуканов Арсений Игнатьевич. Сулав ужо, менам, некө, населеннө йылісь список эм. Мунам би дынас, дядя Василь.

Ния бөра пырисө керкуө. Мотя дзарнитіс Павел вылө:

— Тэ кылін, Паш?

— Сейчас зэрмас, — небоө видзөтікө, Мотялісь вопроссө ылөтөмөн, горөтчис Павел. — Ме котөрта.

Минута дырна Мотя кывзіс котөртісь зоночкалісь оськөввез, сыбөрын петіс ограда шөрө, чатыртіс юрсө. Рожабан вылас вотыштіс ыджыт көдзыт зэр воть. Мотя киэсө нюжөтіс съөд неболаньө:

— Зэрөй, зэрөй, чожжык вад...

ОЙСЯ ГӖСЬ

Павел сьӧкыта лолалӧмӧн пырыштіс керкуӧ. Мамыс сулаліс ӧшын одзын, пемытас видзӧтікӧ да шальӧн каттисикӧ. Кӧр кыліс ыбӧслісь гымнитӧмсӧ, бергӧтчис зонисланьӧ и кокнитжыка ловзисис:

— Тэнӧ шатьӧн колӧ гортӧ вайӧтны, али мый?

— Мам, мийӧ сэтчин локтісь морткӧт баитімӧ.

— «Баитімӧ»! Вон кыз зэрны ӧдззӧтчӧ... Мунам дедыт ордӧ.

— Мыйлӧ?

— Айыт тшӧктіс.

Павел чӧлыштіс.

— А воннэзӧ кытӧнӧсь?

— Важын ни дедыт ордын. Мунам чожжык, а то айыт локтас, лӧгасяс.

Павел вӧрзӧтчытӧг сулаліс местаас и лӧгӧн вӧрӧтіс синкыммеснас. Синкыммес сьлӧн крутӧйӧсь, сьӧдӧсь, веськыт синкым весьтас — учӧтик коричне-вӧй мампас.

— Но, Паша, мунам инӧ.

Вдруг Пашаыс чеччӧвтис местасис, сибӧтчис мамыс дынӧ, пондіс сьӧлӧмсянь шушкыны:

— Мам... мыля, кӧр умӧль погодя, миянлӧ колӧ мунны дед ордӧ? Мыля? Айӧ дынӧ бӧра лагерись хромӧйыс локтас?

Мамыс перыта мышкыртчис зонис дынӧ:

— Пашутка, зониньӧй, эн вӧрӧт айтӧ, эн сюйлы юртӧ сы делоэзӧ! Кылан, зонӧ? Сьӧлӧмӧ менам висьӧ — вартлас сія тэнӧ!

Зоночка видзӧтіс мамыс блед чужӧмӧ, сы повзӧм, мыдзӧм синнэзӧ и чувствуйтіс, кыз аслас пондӧ дрӧ-

житны тшөкаыс. Сія кокнитика мездөтчис мамыс киэ-
зись, пасьталіс кузьполаа куртка, юр вылас пуктіс
айыслісь паськыт фуражка.

— Ме Яшка Юдов ордө муна. Талун Тавдаись га-
зетаэз локтісө, лыддьөтны пондам.

— Но, мун... А ме дедыт орын лоа.

Нія петісө өтлаын. Павел видзчисьыштіс, көр ма-
мыс сайөвтчас пемытас, сэсся дзарьясьөмөн пуксьыш-
тіс сарай увтө.

Вөлі өддьөн төла. Омөн бура да өтмоза шумитіс
ээр, көда пөдтіс матісь тайгалісь уөтөмсө. Мукөдкаста,
көр вирдаліс, позис адззыны, кызд төвсяняс нёкрасьө-
ны пуэзлөн йыввез. Павел чукиртчыштіс: крыша вы-
лісь пондіс котөртны ворот саяс көдзыт шорок.

Пемыт дынас синнэс велалісө, и өні сія бура
адззис посөдз.

Перво, шатласьөмөн да ва гөппез кузя сапоггезнас
шлөпөтөмөн, муніс айыс. «Код», думайтіс Павел. Сія
видзчисис мөдсө, и вот мөдыс локтыштіс карчйөрыс
ладорсянь сэтшөм видзчисьтөг, что зоночка невна
только эз горөт. Вылын мыгөра төдтөм мортыс чотө-
мөн да жагөник муніс сайөвтчөм зоночка бокөт и пы-
рис керкуас.

Павел сувтіс коккез вылас. Сылө вөлі көдзыт.
Юрас сэтшөм страшнөй, төдтөм думаэз — оз позь ве-
жөртны, мый колө керны... Да, мый жө керны?

Сія кайыштіс посөдзө, кывзисьыштіс, осьтіс невна
ыбөссө, видзөтіс керкуө.

Комнатаын некин эз вөв. Мөдік комнатаын ыбөсө
уськөтчөм төвсянь мигайтіс лампалөн би. Натьтө,
айыс да хромөйыс сэтчин.

Төлыс летыштіс Паша киэзісь ыбөссө, осьтіс сійө
ванйөв, гимнитіс стена бердө.

Сэссия думайтны немымда эз позь. Ордчөн ыбёскёт — гор, кёда вылын Павел узьлө Федякёт... Позьё сайөвтчыны гор вылас.

Павел гусьоник кайыштіс гор вылө, көстісис сэтчин битикөн. Төв орсіс ыбёснас.

Петіс айыс, видзөтіс өтөрө, пөдналіс ыбёссө, локтіс пызан дынө.

— Мый сэтчин? — кыліс Павел төдтөм мортліс негора голос.

— Төв...

— Но и погодя! — Төдтөм мортыс кашельтіс. — Дак кыз инө, Трофим Сергеевич?

— Етша сетат. — Кыліс, кыз айыс пуксьөмсянь пондіс дзуртны кровать. — Тэ только вежөрт, эта, может, меным смерть вайөтас, а тійө деньга жалейтат.

— Дак эд мийө огө жалейтө, Трофим Сергеевич.

— Жалейтат! А менө решётка сайө — и сэссия быдөс. Вежөртін? — Айыс тачнитіс портфельыс замөкөн, пондіс кышөтны бумажкаэзөн. — То ния, удостовереннөэс. Видзөт, эстөн ме коли места: асьныт фамиллөэсө, кытшөмөсь колө, гижатө.

Лөнъ. Натьтө, төдтөм мортыс лыддьөтіс бумажкаэсө.

— Бурөсь бумажкаэт, Трофим Сергеевич!

Айыс серөмтчис:

— Сэтшөм удостовереннөэзөн көть Москваө мун, самөй Кремльө!

Төдтөм мортыс шыасис не сразу, а көр пондіс баитны, сы кыз, негора голосын кыліс сэтшөм лөгасьөм, нельки Павелыс дрөгнитіс:

— Этө мийө төдам, кытчө колө мунны.

Айыс пондіс вөрөтччыны кровать вылас и невна дивуйтчөмөн юалис:

— И унаоьс тійо сэтчин... сэтшөммес, кызд тэ?

— Неуна... (Зоночкало кажитчис, что гоьсыс гаж-төма серөмтчис). Эмөсь и сэтшөмөсь, көднало охота и советскөя овны. Только эта не ны понда, көдналис душанысө бион сото! Дак кызд инө, Трофим Сергеевич?

— Босьт то энө кыксө.

— Только кыкө?

— Мукөдсө сыбөрын сета... Вежөртин? Көр быдсөн деньгасө вежтат. Вот сідз.

— Но, ладно... — Төдтөм мортыс пондїс кышөтны вамөм плащнас. — Ме кылі, тїанө кинкө районись локтөм?

— Локтїс. Да тэ эн пов.

— Менө он повзьөт! Прощай, Трофим Сергеевич.

— Адззисьлытөдз...

Төдтөм мортыс мунїс. Ныр увтас мыйкө бобгөмөн айис ветлөтыштїс керкуөт, чинтїс лампаын би, кыскаліс сапоггез. Недырмыйись Павел кыліс ныргорөн узьөм.

Зоночка гусьөник лэдзчис гор вылісь. Кынтны сійө дугдїс. Вөлі жар, и чужөмыс сыбура сотчис, кызд бытьтө Павел куйліс петцөрын. Кокчуннез вылас сїя мунїс бокись комнатаө. Коксө лэдзөмөн айис куйліс кровать вылын. Сылөн өмыс невна осьта. Öшөтчөм тырп вылөт ветлөтө гут.

Павел кошшис портфель. Сылїсь нөитчөм пельөссө сїя казяліс подушка увтїсь.

Пессян сьөлөмөн сибөтчис постеля дынө; лолалөмсө дугдөтөмөн пондыліс кыскыны портфельсө. Айис пондїс вөрөтчыны, бобгыны, сэсся бергөтчис стена бердө.

Зоночка пыдына ловзисис; сылө вөлі өддьөн сьөкыт. Дрөжитан чуннезөн бөра пондїс кыскыны порт-

фельсö, кöда айыс юр увтись мезмöм бöрын öни кокни-
та нильдыштис подушка увтис.

Айыс вылись синнэсö лэдзлытöг Павел сибötчис би
дынö, осьтис портфельсö, тэрмасьöмөн листайтис бума-
гаэз. Вот! Кынымкö листок. Сия öтикö кыскис.

У д о с т о в е р е н н ё

1932 годся июль 27 лунö.

Сетöма гражданинлö сыын, что
сия действительно являйтчö Уральскöй областись,
Тавдинскöй районись, Герасимовка селоись олисьөн,
и олан местасис мунö аслас желаннё сьöрти. Соци-
альнöй положеннё сьöрти бедняк. Вывланьын гижö-
мыс удостоверяйтсö подписьөн да печать пуктöмөн.

Сельсоветись председатель Т. С. МОРОЗОВ.

Бумажка вылас зоночка видзötис паськыта осьтöм
синнэзөн. Портфельыс киэзсис вдруг усис, горөн шлөп-
нитчис джоджö. Айыс саймис, лэбтисис гырдызза вылас,
пондис видзötны зоныс вылö гудыра, невежöртаи син-
нэзөн:

— Пашка?

Павел горөн сыркьялис. Жмитис кулакас бумажка,
уськötчис ыбöслань. Трофим казялис джоджсис порт-
фельсö, чеччöвтис постеля вылись, и сылись нöйтчöм,
руд чужöмсö сэк жö пиньöвтис ужас.

— Пашка! Пашка! Сулав!

Но Павел эз ни вöв.

Кокнас сötöмөн Трофим ванйöv осьтис ыбöссö,
ыкöстис тöла пемытас:

— Паша-а!.. Зониньöй!.. Роднöй!..

Кöмтöм чеччöвтис посöдзсис, пондис öтмөдөрö кот-
расьны зэр увтас, öвтчис киэзнас, и, ужассянь голоссö
öштöмөн, дыр киргис:

— Паша-а... зоні-иньöй...



* * *

Ойшөрнас Василий Потупчик саймис ыбөсө стукө-
төмсянь. Фонарьөн киас петис посөдзө, лөг кыз голосөн
юалис:

— Кинөс сэтчин кульыс новйөтө?

— Лэдз, дядя Вася...

— Пашка?

— Ме...

Бөрались осьтис каличсө, югдөтис зоночкасө фона-
рьөн и качыкнитис юрнас:

— Э, зонка, да тэ чочком, кызд смерть!

— Кытөн... Дымов?

— Узьө. Кытөн эшө сия вермас лоны!

Потупчик пыртис Павелсө керкуө. Бокись комната-
ись, тэрмасьөмөн йөрнөссө пасьталикө, видзөтыштіс

Дымов. Одеялоо каттисикö локтис Мотя. Повзьöмөн жмитчис лосьлөн паськыт сюррез увтö стена бердö (лосьсö вийис көркö айыс). Быдөнныс чөлөмөн, дивуйтчөмөн видзötисö Павел вылö. Дымов оськөвтис зончка дынö:

— Мый лоис, Паша?

Павел осьтис кулаксö, нюжötис бумажка. Дымов мышкыртчис фонарь дынö и перыта лыддьötис.

— Но и мый?

Павел мөдö бы мыйкö висьтавны — оз вермы. Веськыт синкым весьтас дрöжитö мампас.

— Энö... энö бумажкаэсö... айö вузалö ссылкаö ыстөм кулаккеслö...

Дымов кынымкö секунда дивуйтчөмөн видзötö зончка вылö, сыбöрын жмитö сийö, вамöмсö да дрöжитисьсö, ас бердас и окалö. И Павел жмитчö эта мортлөн паськыт морос бердö, көть и этö мортсö етша эшö тöдö, но көда сэтшöм роднöй да матись. Паша оз вермы сэсся терпитны и сыркьялөмөн горзö.

— Дяденька Дымов... дяденька Дымов... — пөдöмөн шушкö Паша.

Дымов тэрмасьöмөн малалö сылись юрсисö, вамöм спинасö и гусьöник шуö:

— Оз ков, Паша... но, тырмас, зончка, — и кылö, кыз аслас синнэс тожö вамöны. — Но, дугды, Паша! Тэ... тэ эд настоящöй пионер!

Глава VI

ВОРОТКА ВЫЛЫН ЗАМОК

Вöли праздничнöй арся лун. Öтöрын ветлötисö ныв. каэз и зонкаэз. Изба-читальняын дежурствосö Павел сетис Яковлö да котöртис гортас. Улицаöt муникö Павел чувствуйтис, что сы вылö видзötöны, шушкötчöны.

Сэксянь кыз Трофим Морозовс судитисö дас год кежö пукавны тюрьмаын, Павелсö пыр и быдлаын пондисö адззыны. Конечно, сийö деревняас озö видö сы понда, что висьталис айыс преступленнë йылись, и нельки пондисö почётнöя шуны «Пашка-коммунистөн», — но всё равно сьöкыт чувствуйтны ас вылас этö пырся любопытнöй видзötöмсö.

Ерттэс казялисö, что Павел лоис лөнъжык, мыйкö думайтис, бытьтö сразу лоис ыджытжыкөн.

И деревняын уна öтик-мөдик вежсис. Бөрйисö виль председательсö, чожа лоас колхоз. Колхоз йылись пионеррез гижисö да клеитисö заборрез вылö уна лозунгез. Энö лозунгесö составитис Дымов. Жаль, что сийö партиялөн райком корис Тавдаö. Сэтшöм бур морт, быдөнныс сийö пондисö любитны. Көр лөсьötчис мунны, Потупчик нельки окасис ськöt.

Павел локтис аслас оградаöдз и вдруг дивуйтчöмөн сувтчис. Вороткаыс вöли пöдана. Сия чуньнас пешлис ыджыт меднöй замок, сэсся пырис забор вевдөрöt.

Ыбös осьта, керкуын кылöны голоссэз. Зоночка полöмөн кайис посöдзö.

Ыбös дынын Данило куритис чигарка. Тырппесö лөгөн пиньöвтöмөн видзötис Павел вылö. Угöлын зоннэскöt пукалис мамыс. А керку шöрас, бедь вылö кыкнан кинас нырыштсьöмөн, пукалис дед Серёга. Сия мыйкö бобгис. Тыдалис, кыз вöрисö сы руд уссэзлөн конечоккес.

Павел гусьöник шагньöвтис порогсö да нерешительнöя висьталис:

— Здравствуй, деда.

Дед эз шыась, нельки эз бергötчы. Данило лөгөн висьталис:

— Коммунистэзкöt огö байтö!



Павел бледотікө оськөвтис дедыс дынө:

— Деда...

Но дедыс кыз бытьтө эз адззы и эз кыв внучексө. Ошөтчөм чочком синкыммеца синнезнас сја видзөтис Татьяна вылө:

— Но, отвечайт, Татьяна.

Татьяна небура качыкнитис юрнас:

— Ог төд...

Дед Серёга гымнитис бедынас:

— Мый он төд? Ме пөрисьжыкыс туйө кольччи, жөникыт өні абу. Кылан? Кыз висьталі, сідз и лоас! Хозяйствоэзнымөс колө өтлаөтны, а оградаэз коласіс заборсө разям. Кылан?

Зоночка вежөртис, мыйлө локтис Серёга дедыс, и сја өддьөн лөгасис да өбидитчис. Сідзкө, вот кытшөм сылөн дедыс! Хозяйствосө мөдө ас кипод увтас босьтны! Отлаасьны кө дед Серёгакөт — лоө мунны сы ды-

нө батрачитны. Деревняс быдөнныс төдөны, кытшом сiя жила. И Данилколiсь думаэсө поэь вежөртны: небось, думайтө, дедыс пöрись, чожа кулас, а сiя, Данило, хозяинөн лоас. Сiя эшö одзжык ошшасис, что пондас овны богатжыка Кулукановся.

Зоночка лөгөн видзöтыштiс очавоныс вылө да мунiс бокö.

— Мам, эн öтлаась... Деревняс чожа колхоз лоас, колхозö пырам, — негорөн шуис Павел.

Быдөнныс чöлисö.

Дед Серёга сьöкыта пöлинътчис, кашельтис.

— Дак кыз инö, Татьяна?

Быдөнныс видзötисö Татьяна вылө, видзчисисö, мый сiя висьталас. И Татьяна гусьöник висьталiс, Павелыс ладорö юрнас качыкнитöмөн:

— Павелыслö тыдалöжык... Öнi сiя хозяиныс туйö кольччис...

— Н-но... — лöга шуис дед. — Тшыгйөн кулат!

Сiя перыта бергötчис и, бедынас стукötикö, петiс öтөрö. Данило сувтчис порог дынас, кулаккесö жмитöмөн:

— Мийö эшö пантасьлам тэкöt! Кытшом коммунист адззисьöма.

Татьяна чеччис:

— Но, гэ! Тарöвтчы!

Данило сьövзис чигаркасö; ныр увтас мыйкö бобгикö котöртiс посöдз поспеэз кузя.

Павел видзötис бöрсяняс и юалис:

— Кин öшötис воротка вылас замоксö?

— Этö дедö пöдналис! — лөгөн шуис Федя. — Талуння лунсянь тшöктiс сы оградаöt ветлыны. Шуö — хозяйствоыс öтик.

Павел лөгасис:

— Вот эшö мый думайтöма! Оз ло сы моз! Замоксö ме всё равно жугда!

Джаджись кватитис молоток, котöртис öтөрö.

Татьяна пукалис вöрзьöтчитöг, жмитис бердас учöтик Романös. Правильнöя али не сiя керис? Может, колis öтлаасьны дедыс хозяйствокöt? Вермас петны сiдз, что деревняс оз и ло колхозыс, кöда йылись сэтшöм бура висьтасисö сходкаэз вылын? Да и кытшöм лоас эта колхозыс? Кыдз овны? Вермас разь сiя öтнас вердны да пасьтöтны челядьсö? Пашка, конечно, ыджытөн ни лоö, хозяйствоын ни отсалö, но эд и сiя эшö только зоночка. Ох, Пашка, Пашка!..

Вдруг Татьянаис бытьтö повзьыштитис. Осьта ыбöсас пемытинсис кылис пельчанöтан горötöм. Татьяна вылö кыдз бытьтö кисьтисö кодзыт ва, сiя пондис дрöжитны, чеччöвтис местасис, пуксьötис джоджас горзыны пондöм Романös, котөрөн петис посöдзö.

Забор бокин Данило вартлис кулакнас Павелös, кöда некыдз эз вермы мездötчыны сы дынись.

— Сулав! — горötис Татьяна. — Сулав, проклёнвöй!

Сiя уськötчис сарай дынö, некывзись, дрöжитан киэзөн кватитис кузь зор. Данило лэдзис зоночкасö, кайис забор вылö.

— Ме эшö не сiдз тэнчит пионертö... — Сiя эз кончит баснисö и чеччöвтис мödöрас.

Зорыс горөн ёркнитис забор кузя.

Глава VII

ТАИНСТВЕННОЙ ПИСЬМО

Сибötчö ар. Пондисö вежötны пипуэз да кыдззез. Асыввезнас матись нюрись деревня вылас кыссис вата



кодь чочком да сук туман. Сія жагөник, почти казавтөг кывтіс өшыннэз боқот и, нельки көр пондас шонтны шондыс, сія дыр эшө ветліс улицаас, жагвыв сыліс шоналөм воздухас.

Өтпырись сэтшөм асылөн Герасимовкаө локтіс төдтөм старуха. Вылын мыгөра да көсыник, важ руд шальө каттисьөм, сія ляшмасьөмөн муніс заборрез пө-лөн, и сійө джынысви сайлаліс му кузя ольсасян туманыс. Бөрсяняс дышөтчөмөн вувтісө поннэз. Мукөд кадас старуха сувтчыліс кытшөм-нибудь ворота одзын, коколюканас өркөтіс пөввез кузя и унаись пернапасасьліс, сетлісө кө сылө нянь кусөк.

Некин бы, натьтө, эз видзөт деревняын төдтөм нишөй старухаыс вылө, көбы сы локтөм бөрын эз понды керсыны мыйкө өддьөн страннөй.

Луннас двенадцать часө изба-читальняын вөлі назначитөма пионерскөй драмкружоклөн репетиция. Зоя

Александровна руководство увтын велөтчән год пондөтчөм кежө пионеррез готовитисө нейджит пьеса, көдө сочинитис Павелыс ачыс. Перво сцена вылас петлис лякөтөм бумажнөй тоша Яков. Ружтөмөн да көстисьөмөн сия пуксьылис видзөтиссез одзө и норөн висьтасис сы йылись, что сийө, пөрись батракөс, совсем өдөлейтисө кулаккез. Көр сия киэз вылас гажтөма лэдзлис юрсө, сы дынө сибөтчылис сэтшөм жө бумажнөй тоша мөдик «батрак» — Василий Слюсарев, вөснитик голоса зонкаок. Сия гажөн вачкыштлис Яковсө пельпон кузя и байтлис, что сэтшөм морттэзлө, кыз ния, туйыс өтик — колхозө.

Но сэтөн мыччисьлисө кыз «кулаккез» (нылись роллесө орсисө учөтжык челядь, сийөн мыля пөрисьжыккес откажитчисө орсны кулаккезөс). Йөрнөссез увтө дзебөм подушкаэз киэзнаныс видзыштликө ния наступайтисө «батраккез» вылө и сьылисө песняок, көдө думайтис Мотя Потупчик:

Уджалө, батраккез, миянлө.
Колхозын не лоны тиянлө.

«Кулаккезлөн» вөлисө саөн мавтөм сэтшөм страшнөй чужөммез и ассиныс песнянысө ния сьылисө сэтшөм лөгөн, что нылочкаэз, көдна пукалисө залыс концын, лөньсьылисө полөмсяняс, көть и бура төдисө, мый лоас медбөрын.

А медбөрын сцена вылө Павел руководство увтын петлисө гөрд флагөн «рабочөйез», и «кулаккез», алөй отсө казяликө, полөмөн пышшылисө. А «батраккез» жмитлисө берданыс «рабочөйезөс», и быдөнныс хорөн сьылисө:

Колхозө уджавны ми мунам
И гаж сэтчин адззамө уна.

Конечно, ния старайтчисо сывны кыдз позьо басокжыка, коть Мотяыс и баитліс, что сьылөмыс нылөн невна только буржык, нежели «кулаккелөн».

Но мый бы эз вөв, а репетицияэз чулавлісө успешнөя, и Зоя Александровна советуйтис утренник вылас корны быдос герасимовскөй бедняккесос и середняккесос.

— Правильно! — висьталіс довольнөй Павел. — Может, эшо кин-нибудь колхозас пырас.

Спектаклын участвуйтисо кынымакө саковецезись. Пётрлөн дружоккес важын ни мунисо асланыс рыжөй руководитель дынись, и они сия почти эз мыччисьлы улицаын. Шочыника пионеррес адззывлісө сийө бокин моз, отнасө и гажтөмө. Быдпырись сия грөзитліс кулакөн и перыта сайөвтчыліс. «Полө», решитисө пионеррес.

Сия лунө коліс лоны генеральнөй репетициялө. Но двенадцать час кежө локтисо только учительница, Павел да Мотя. Одзык дисциплинасө этадз эшо некөр эз нарушайтлө. Ния час дырна видзчисисо пустөй избачитальняын. Сэссия Зоя Александровна висьталіс:

— Тийө, челядь, төдө, мый лоис, а ме кытчөдз сельсоветын стенгазета понда лэдзны.

— Ния, натьтө, быдөнныс бөбмисө! — гажтөма горөтчис Павел. — Мотя, мунам Яшка дынө.

Яков керку дынын Павел шутньөвтис: кыкись дженытика, отпырись кузьжыка. Яков сэк жө локтис ошын дынө. Но синнэз сьлөн вөлісө повзьөмөсь и сия вөлі сэтшөм гажтөм, что Мотяыс гусьөник висьталіс Павеллө:

— Натьтө, шогавны пондіс.

Киэзнас Яков нылө мыйкө мыччаліс, и Павел да

Мотя вежортисö, что сия корö нийö мунны карчйөрö, сарай сайö.

— Мыйкö сыкöt керсьö невежортана, --- недовольнöя висьталис Павел. — Сулав, забор вевдөрötтяс эн кай. Эстөн мян öтик пöv вештасьö.

Минута бöрти сарай сайö локтис Яков.

— Челядь, — виноватöя пондötис сия, — менö мамö эз лэдз.

Павел, Яков выlö видзötтöг, лөгөнмоз качыкнитис юрнас:

— Эн бöбötчы! Пыр лэдзліс!..

— А вот видзöt, мый сия посödзсис талун адззöма.

Яков сетис нöйтчöм бумажка. Эта вöли тетрадись клетчатöй листок торок, кöда вылын нёштöм буква-эзөн вöли гижöма:

«Во имя отца и сына и святого духа. Иерусалим святой градын вöли кылöма господьлөн голос, и висьталис господь: кин гижсяс колхозö, сыlö оз ло благословеннё. Гиж этö письмосö сизимись и сет аслат соседзэлö. Аминь!»

— Мамö лыддьötис и пондис горзыны, — баитис Яков, — а меным висьталис, что если ме ог чапкись пионеррезись, то юрös орötас. А сыбöрын висьталис, медбы ме письмосö гижисизимись...

— Но, а тэ?

— Гижисизимись, — ышловзисис Яков.

Павел лөгөн вирдыштис синнэзнас:

— Мыйлö?

— А если... правда? — Яковлөн голосыс öдва кыліс.

— Бöбöv!

Мотя гусьöник ойнитис:

— Яша! Да разь настоящой пионерез веритоны еныслө? Этө эд только некультурной отир веритоны.

Яша вишнитис нырнас:

— Да, а мамө тышкасьө... Сия төн соседдэз ордо ветлис, дак сэтчин тожө сэтшөм запискаэсө адззөмась.

Мотя вдруг паськөтыштити киэсө:

— Ой! Дакед этө нищөй старухаыс! Конечно, сия. Ме ачым адззыли, кыздз сия Ступаклись христа-ради корис и мыйкө посөдзас чапкис. Ме нельки думайти сэк: «Мый жө сия чапкалө?»

Павел чөлис, чикралис синнэсө, думайтити.

— Мунамө изба-читальняө. Колө думайтны, мый керны. — Сия сьөкыта ловзисис да видзөтити омөн. — Эх, кутны бы сийө колис! А өни кошшы ыб вылись төвсө.

Эта луныс вөли тыртөма видзчисьтөм делөозөн. Изба-читальня порог вылын пукалис Пётр Саков. Павел ылисянь эшө казялис Саковлись рыжөй пашмөм юрсө и өддьөн лөгасис.

Мотя кутыштити Павелсө сосөттяс:

— Паша! Оз ков!..

— Мун! — Сия лөгөн мездөтити киэсө. — Все равно пондамө тышкасьны. Но, ме часөт сылө мыччала!

Павел решительной сибөтчис изба-читальня дынө. Яков мунис ордчөн, сия гусьоник шувлис:

— Пашк, а тэ эн пов... Мыйись мый, дак ме от-сала...

Но тышкасьны эзө пондө. Пётр Саков нельки эз и сувт. Сия одзамоз пукалис посөдзас, ки долоннезнас тшөкасө пыкөмөн, и вдруг Павелыс казялис, что Пётр Саковлөн синнэс совсем абу лөгөсь и видзөтөны ния кызкө норөн да стыдитчөмөн. Эта совсем эз вачкись Пётр Саков поведеннө вылө, и Павел өшөмөзмоз сувтчыштити. Кыкнанныс мыйкө дырна чөлисө.

— Но, — ышловзисис Павел, — мый нө тэ пукалан? — Но голосас эз кыв лөгыс.

Пётр Саков чөліс.

— Но?

Пётр зэгнитіс рыжой юрнас и гусьоник шуис:

— Тійо морт туйо мено одо лыддьо, а ме... — Сія джөмдіс, и Павел вдруг казяліс, что сы синнэзын юг-йөвтисо синваэз.

Пётр чышкис кидолоньнас синнэсө, скульсис, сэсса сувтіс:

— Запискаэз йылісь төдан?

— А мый? — горөтчис Павел.

— Энө запискаэсө Кулукановкөт менам тёткао сочиняйтис.

Павел дивуйтчөмөн видзөтис Пётр вылө:

— Бөбөтчан!

— Быль... Сэтөн старуха ветлөтис, дак ния велөтисө сійо энө запискаэсө чапкавны.

Павел оськөвтис одзлань и вдруг пондіс гажөн шынняявны, вачкыштіс Пётрсө спина кузяс:

— Петька, друг! Ой, Петька!

Пётр Саков полөмөн дрөгнитис:

— А тійо пионерской отрядас мено примитат?

— Но, конечно, примитам! — Павел бергөтчис бокын сулалісь Мотяланьо: — Мунам Зоя Александровна дынө! Қылан? Сейчас таинственной письмоыс йылісь стенгазетао гижам.

Глава VIII

КОСТЁР ДЫНЫН

Кресення панытө челядь мунисө ты вылө вуграсьны. Босьтісө сёян и шоныт паськөм: решитисө берег вылас узьны.

Ты дынөдз кынымкө километр. Муніканыс нылочкаэз сьылісө песняэз, котрасисө пуэз коласөт, повзьөтлісө уррезөс, горөтлісө «ау». Нылочкаэзлөн эзө вөлө вугыррес — нылочкаэзись кытшөм ни черикыйиссез! Нийө босьтісө сы понда, медбы видзөтісө костёр сьөрын да пуисө черива.

Только Мотялөн пельпон вылас вөлі вугыршать. Сія — кыз зонкаок, нельки ружьёись кужө лыйсьыны: айыс велөтіс.

Луныс вөлі гажа. Шонді, көть и эз ни вөв пым, но одззамоз вөлі югыт да ласковөй, уйис тайга весьтөт, югыт виззезөн да пятноэзөн кыссис чашья да колодасник пырйөт, пежьяліс лудовкаэз вылын.

Павел да Мотя оськалісө медбөрын, мыйкө йылісь баитисө. Яков перво өбидитчис, что сійө эзө корө, сьбөрын шынньөвтис и пондіс челядыскөт шушкөтчыны. Сералөмөн сувтчисө пөрись пожум увтын и вдруг пондісө сьывны:

Тили-тили тесто,
Жөник да невеста!
Тили-тили тесто,
Жөник да невеста!

Көтөрөн локтісө нылочкаэз, өдззисө ваксьыны. Мотялөн дрөгнитисө тырппес.

— Бөбөввез! Асьныт тійө жөниккез! — Сія пондіс горзыны, лөсьөтчис мунны гортас.

Нылочкаэз сералөмөн кутчисө сійө лөньсьөтны:

— Дугды, Мотя, ния эд сідз, бөбалөны...

Мотя сыркьяліс:

— Ния думайтөны, раз мийө мунам өтлаын, сідзкө... жөник да невеста... Бөбөввез! Быдөс пионеррезлө... колө дружитны.

Гортас сія эз мун.

Павел гөрдөтис и сибөтчис Яков дынө:

— Этө тэ думайтөмат?

— Нет, не ме...

— Бөбөтчан, тэ! Вот сөта сивилёнат, сэк пондан төдны!

Висьталіс этө сія не лөгөн. Сылөн аслас невна серөмыс петіс.

— А тэнат, веськыта кө шуны, друггет шогья секреттэз лоисө?

— Бөб, да тэ төдан, мый йылісь сія баитіс?

— Мый йылісь?

— Кута да ог и висьтав, сійөн что тэ бөбөв.— Сія думайтис и содтис: — Ты вылас локтам, висьтала...

Яковлө өддьөн охота вөлі төдны, мый йылісь ния баитісө Мотякөт. Но эта йылісь шы эз сет и ты дынөдз муніс ордчөн Пашкакөт, сералис и шутнялыштліс, — мөдіс дорйыны асьсө. Но көр локтисө ты дынө, Павел шы эз сет, натьтө, вунөтис. Пондісө уявны пыжжезөн, кыйисө чери, купайтчисө.

Ваыс тыас вөлі көдзыт, сөстөм. Видзөтны кө дыржык, позьө казьявны тылісь нювтөн вевттисьөм пыдөсө, зелёной лапчатой водорослез, поснитик чериоккезөс, көдна чарньөв моз свиттялөны пыж увтас.

Гожумөн быдкодь деревняэзись ты вылас вовлылөны уна черикыйиссез, и ты береггез вылын ойезнас сотчөны костөррез, кыз ыджыт цыганской таборын. Тыыс ыджыт, местаыс быдөнлө тырмө.

Черивасө видзчисикө зоночкаэз косьтисисө би дынын, ошшасисө, что чериыс шедіс уна. Соседной костөр дынісь сибөтчис морт.

— Эй, пионеррез! (Голос сьөрті төдісө Данилоөс.) Чериалат?

Яков дыша горөтчис:

— Чериалам...

Данило петіс югыт вылө. Сылөн векнитик синнэс видзөтисö челядыс чужöммезö, секундаетш пантасисö Павел синнэзкөт и бöра нильдыштісö бокö.

— Но-но, чериалö... — Сія сералöмөн лöсьöтис пельпоннэз вывсис курткасö, сэссия жагöник муніс бокö.

— Кульыс татөн сійö новйöтö! — бобгыштіс Яков. — Көть көр насмех миянөс видзö.

— Нылочкаэз, — шушкыштіс понпутша чужöма Клава Ступак, — а тійö адззыліт, кытшöм сылөн йөрнөсыс?

— Кытшöм?

— Кулукановскöй! Морос вылас зеленöйөн серöтöма... Быль-быль! Ме эг на вунөт, кыз сійö Кулуканов новйис.

— Козьналіс, натьтö, — висьталіс Мотя. — Мыйкö сія Кулукановыс дынö часто пондіс ветлывлыны гөститны... Паш, и дед Серёга сы дынö ветлылö, ме адззылі.

— Но и ась ветлылö! — Павел кымöртчис. — Ноко вай сійö бумажкасö.

Мотя кошшисьыштіс карманас, сетіс көсталöм листок. Паша босьтіс сійö, эта дырни эз и видзөт сы вылө.

— Вон сылö, — Павел качыкнитіс юрнас Мотяланьö, — сельсоветын талун сетісö список, киннэз оз бы сетö государстволö няньсö. Сія меным вöрас висьтасис... Вот. А тійö, бөббез, сьывны пондіт! Яшка, тэ ашын изба-читальняын объявленнэз пондан гижны.

— Кытшöм объявленнэз?

Павел паськөтыштіс листоксö:

— Эстөн первөйыс Кулуканов гижөма. Вот тэ и гижан: «Эстөн олө Кулуканов, кōда оз сет государствовлө нянь». Босьтан важ газета и гижан чернилоөн. А сыбōрын кулукановскōй ворота вылө лякōтам. Быдōнныс ась тōдōны!

— Вот кытшōм бур! А озō мянōс вартлō?

— А тэ эн пов. Ния абу унаōсь — вит морт кыным. — Сия видзōтис списокō и сэк жō джōмдис, нерешительнōя гыжьялис юрбōрсō.— Сэтōн, челядь, отик фамиллө гижōма... Кылан, Яшка? Мōд объявленнēsō гижан сидз: «Эстөн олө Ступак, кōда оз сет государствовлө нянь»...

Быдōнныс видзōтисō Клава вылө. Клавалōн синнэс пондисō кваркышавны, сē частожык, частожык, и вот ны пытшкись сэк жō мезмисō синваэз, пондисō лэдзчыны понпутша рожабаннэс кузя.

— Оз ков... оз ков... Эта менам дядя...

Челядь дзар керисō отамōд вылө. Мотя недовольнōя висьталис:

— Мыйись горзан? Вон Пашаыс айсō разоблачитис, а тэ...

Павел вдруг чеччōвтис, лōгōн видзōтис Мотя вылө; синкым весьтас пондис вōрны мампасыс.

— Бōбōв! — горōтис Павел, но голосыс орис, пондис дрōжитны. — Кытчōдз тийō пондат модьны — ай да ай...

Сия перыта бергōтчис и пондис пемытинас оськавны косьмыны пондōм турун кузя. Ва дынас водыштитис керōсок вылө, каттисис курткаōн.

Гусьōник сибōтчис Яков:

— Пашк...

— Мун ме дынись!

Яков пуксис кекеркаōн:

— Огö пондö Ступакыс йылысь гижны.

— А меным кытшöм дело сы дорöдз!

— А то Қлавкаыс горзö. Сія шуö — ачыс бантас дядьыскöт, медбы дядьыс няньсö сетіс. Ладно?

— Ладно...

Яков чöлыштіс.

— Пашк, мунам черивасö сёйны.

— Ог мун. Менам онö петö.

Яков муніс костёр дынö. Павел дыр бергаліс бок вылісь бок вылö, видзöтіс звездаэз вылö. Ты вылісь ольсассис руд сук туман, пемыт ваын кадісь кадö горөн плескайтчисö чериэз.

Вöрын лöнь, кылö лыс дук. Шочыника чашьяас мыйкö кышöтыштас нето ылісянь локтыштас онмөссыны пондöм дозмөрлөн нюжвыла горötöм: кга-а... Шумитыштас говкыс, и бöра лоö лöнь.

Ойшöрнас Павел саймис сотан зубытсынь да тшынсянь ойзöмөн: сиви увтас кинкö суйыштöма сотчан головня. Павел полöмөн чеччöвтіс, кутіс сотöм места-сö, и чужöмись чужöмö пантасис Данилокöt.

Вөр весьтын öшаліс векнитик төлісь, и сы веж югытінын зоночка бура адззис очавоныс чужöм вылісь невежöртана, лөг шынньöвсö.

— Мый, жар? — кирган голосөн юаліс Данило и вдруг перыта кутыштіс Павелсö горшötтяс, нетшкöвтіс, тойыштіс тыö.

Зоночка эз кыв валісь кöдзытсö. Сія кыліс только горш вывсис сьöкыт, көртовöй чуннез и, садьсö öштікö, сё эшö старайтчис вынтöмсялан киэзнас мездötчыны эна чуннезісь.

Но чуннес асьныс вынтöмсялісö и лэдзисö Павелсö. Пöдöмөн да кашляйтöмөн Павел мездötчис да мыччисис васис и эз вермы вежöртны, мый керсьö сы

гөгөр. Ваыс пизис и плескайтчис сы пытшкын пессян уна телоэзсянь. Челядь, кōдна уськōтчисō мездыны Павелсō, кутисō Данилосō и видзисō крепыта. Ордчōн Павелкōт косви ваын сулаліс Мотя. Сія мыйкō горōтліс, өвтчис киэзнас. Сыбōрын Павел казяліс Яковōс, кōда кутчисьōма Данило юрси бердō.

— Лэдзō, — кирган голосōн корис Данило, — ме шутиті... Но лэдзō, мыся...

Сійō эзō лэдзō.

— Лэдзō... ваыс кōдзыт...

Сійō вайōтисō кусны пондōм костер дынō. Вдруг сія нетшкōвтчис, чеччōвтис чискан шоммез вевдōрōт и бōрас видзōттōгōдззис котōртны.

Асылōдз сэсса некин эз онмōссы.

Г л а в а IX

ДЕД ОГРАДАЫН ВУДЖОРЕЗ

Дед Серēга чеччис югдандорас — стариккез дырсō озō узьō. Ветлōтыштіс ограда кузя, видзōтис, быдōс я порядокын, гидісь лэдзис саймōм курōггезōс.

Сыбōрын, ойзōмōн, петіс баб Ксения, вōснитик голосокōн нюжōтис:

— Ку-утю, кутю, кутю, кутю!..

Дед ылісянь видзōтис, кыз курōггез кокалōны сютуссесō, ныррезнаныс дружнōя стукōтыштілмōн. Вдруг дедрōн уссэс пондісō вōрны, сія кокчуннез вылас сибōтчис пōткаэз дынō и быд вынісь воззьыштіс шатьōн чочкомбока курōгōс:

— Ёрдōм коска!

Пōткаэз пондісō бōбись готсьыны и шумōн рознитчисō өтмōдōрō. Дед вōтчис чочкомбока курōг сьōрō,

чукуля коккез вылас чеччаломён, кирган голосён горотліс:

— Бөра Потупчиклісь курөгсө вердан, пөрись ведьма! Вот ме сійө, абутөмөс, шыдө лэдза!

Пеллезчанөтан готсьөмөн курөгыс лэбзис карчйөрө, пондіс чепсасьны көс картошка коррез коласөт.

Дед сувтчис, сьөкыта лолалөмөн: паныт сылө карчйөр кузя локтіс морт. Сія вөлі нейджыт мыгөра, топытик, дзор, осторожнөя тальччаліс буса сапоггезнас картошка коррез вевдөрөт.

Дед чышкис кидолоньнас чукуррез вылісь ньылөмсө, тэрмасьөмөн чышкис кидолоньсө вешьян бердө, нюжөтіс мортыслө ки:

— Здорово, Арсений Игнатьевич!

— Здорово, здорово... — Кулукановлөн голосыс кыз, спокойнөй, но веж синнэзас төдчө полөм, и быдөс сылөн паськытана йыла тошока чужөмыс блед — нето онтөг чулөтөм ойсянь, нето мыдзөмсянь.

— Мыйлө сы одза чеччин, Арсений Игнатьевич?

— Дело, Серёга, эм. Пырам керкуат.

Пырисө. Кулуканов качыкнитіс юрнас баблө, босьтіс юр вывсис фуражкасө, пернапасаліс плеша юрсө. Пуксис угөлө еннэз видзан пуовөй джаджок увтө, көда сайись тыдалісө пурттэз да вилкаэз; эна еннэз важынсянь вөлісө шкап туйө.

— Кор Данилоөс.

Данило локтіс, ачыс вөлі бытьтө эшө не совсем саймөм.

— Пуксы. — Гөсьыс не тэрмасьөмөн кыскис пиджак кармансис газетнөй лист, көда вылын паськаломась чернилоөн гижөм букваэз. — Видзөтө — часөт только ворота вылісь кульышти...

Чöлыштисö. Баб вежöрттöг видзöтис лöз букваэз вылö, качайтис юрнас. Ся сулалис недосповна весötöм картошка весьтын киэзас горба ыджыт пуртöн.

— «Оз сет нянь!» — Кулуканов нöитис листсö да чапкис джоджö.— Көркө Трофимыс вовлис да кеймисис: «Ло зонölö вежайöн». Согласитчи пыртны. Кöбы тöдi сэк, ачым бы аслам киэзöн попыс купельын пöдти змейпиянös!

Данило негорөн шуис:

— Пöдтыны некөр абу сёр...

Гöсьыс бытьтö эз кыв баснисö и баитис гусьöник одзлань:

— Силинлис дзёбём нянь адззисö, а Шитраковлис — оружие. Этö сия жö керис — аслас бырём-вешьянаэзкöt... И стенгазетаын позоритис... — Кулукановлөн пондис вөрны рожабаныс, сия пешлис сийö чуннезнас... — Ме тiян дынö отсötла... Отсалат?

Дед пондис вөрöтчыны:

— Мыйöн вермам — отсалам, Арсений Игнатьевич.

— Дак вот... Чожа ме ордö локтасö имущество гижны, медбы колхозö сетны... — Сия вдруг чеччис, тырппесö жмитис, лөгөн пондис лолавны ныр пырйöt. — Ог сет проклённöйезлö! Нем ог сет! Буржык лоас сотны! И няньсö ог сет! Серёга, тийö Данилоыскöt картааныт талун яма гарйö. Медбы только некин эз адззыв... А ойнас няньсö тiянö ваялам да тыртам. Тiянись озö пондö кошшыны.

Кулуканов сьöкыта лэдзчисис скамья вылö, сэсся норовитис да содтис:

— Эта понда нянльис куимöt частьсö аслыт босьтан. Кылан, Серёга?

...Павелös ойнас саймötис Роман. Сия горзис. Мы-

дзём мамыс узис крепыта — эз кыв. Павел чеччөвтис гор вылісь, чикрасыштіс: доймис сотём юргөпыс (мамыслө сія эта йылісь эз висьтав — неохота вөлі дойдны сылісь сьөлөмсө).

Саймём Романис пукаліс пуовөй кроваткаын. Павел пуксис ордчөн, шебраліс вонсө одеялоөн, думай-тыштіс: «Ыджыта ни быдмис Ромкаыс! Колө виль кровать керны». Павел небурика пондіс качайтны кроваткасө да люлльөтны:

Гыччөта, гыччөта, гыччөта,
А бабыт чери небны ветлас,
Пелёнкаэз мамыт миськалас,
Роман эта кадө буралас...
Аа... Аа...

Воныс эз дугды горзыны. Павел лөгасис и пондіс сьывны горөнжыка:

Гыччөта, гыччөта, гыччөта,
Чери небны баб тэнат ветлас.
Пелёнкаэз — мамлө миськавны,
А меным — юрсиөт. кыскавны.

Роман горзіс керку тырьяс. Павеллө жаль лоис воноксө. Сія виноватөя мышкыртчис кровать дынас.

— Ромочка, узь... Но, мый нө тэ, вониньөй, он узь...

Саймис да чепөссис мамыс:

— Ох, горе тэ менам! Мыля нө менө эн саймөт?

— А сія онмөссьө ни, мам...

Ештіс только мамыс павкөтчыны Романис бердө, сія лөньсис. Павел муніс узьны.

Гор вывсянь юрсө мыччөмөн өшынө видзөтіс Федя.

— Мый тэ?

— А вон, видзөт, мый сэтчин?

Ограда весьтас — веж төлісь, и му вылас эта төлісьянь югыт полосаз. Веськыта өшын одзас — Серёга дедлөн забор. Забор саяс вештасьёны кинлөнкө вуджөррез.

Павел котөртис ыбёслань.

— Кытчө тэ мунан? — гусьёник юалис мам.

— Сейчас...

Сия гусьёник лэдзчис посөдз поспуэз кузя, пондис видзётны заборыс щельё.

Серёга дед оградаын пырскайтёны вөввез. Куим морт — дед Серёга, Данило, Кулуканов — телега вылісь босьталёны тыра мешөккез, тэрмасьёмөн новйёны картаё. Баб Ксения сулалё ворота дынын, некыз оз вермы каличавны.

— Паш, а вөввес кулукановскөйёсь, — кылө Павел спина сайын шушкөтчөм.

Видзөтис бөрас — ордчөн ськөт Федя, сия нюжөтчө кокчуннез вылас, старайтчө видзётны.

— Мыйлө тэ локтін?

— А тэ котөртін, и ме бөрсянят...

— Ладно, ладно, мун узыны.

Федя кывзө вонсө и мунө. Павел бөра видзөтө. Мый жө ния сэтчин керёны? Дзебёны ямаё сю. Дедыслөн сымда няньыс абу. Вежөртана — сюыс кулукановскөй. Вот гаддэз! Сісьтыны мөдөны!

Данило петө картаись пустөй киэзөн, сувтчө, кызды бытьтө мыйкө думайтө. Сэссия чеччөвтө забор дынө.

— Вөджжан, коммунист! — Пөввезөн ёркөтөмөн сия кайё забор вылө.

Но Павел эз ни вөв.

Дед Серёга и Кулуканов, коккезнысө паськөтөмөн, вөрзьөтчытөг сулалёны ограда шөрын.

— Кин? — бобгөмөн юалө дед.



— Пашка!

Кулуканов чеччөвтө местасис, кутө дед Серёгаос и зэгөтө. Сылөн голосыс пишкө, сибдалө.

— Иньдылөны кө районись кытшөм-либо уполномоченнойос, то повны оз ков: локтас и мунас. А эстөн асланым синнэз вөджжисьоны! Ордчөн! Ны шөгья не кытчө он сайөвтчы!

Дед оз вөрзьи местаись.

— Кылан, Серёга?

Дед гусьоник да чорыта горөтчө:

— Вия!..

Быдөнныс чөлөны. Только баб Ксения мыйкө вашкө ныр увтас да пернапасасьлө. Кулуканов мышкыртчө Данило дынө:

— Ме тэныт сетли... и эшө сета... Следитны сы сьорын колө... и быдөс!

...Луннас сельсоветись комиссия ӧтлаын Потупчиккӧт дед оградаын кошшисисӧ. Няньсӧ адззисӧ. Картаын адззисӧ и кулукановскӧй телегасӧ.

Глава X

1932 ГОДСЯ СЕНТЯБРЬ 3 ЛУНӦ

Нюрын воис туримоль. Ӧтикӧн и унаӧн котрасисӧ нюрас герасимовскӧй челядь и гортаныс вовлисӧ тыра доззэзӧн.

Луншӧрнас Павел да Федя лӧсьӧтчисӧ мунны ягӧдавны. Перво пыралисӧ корны Яковӧс. Сія гортас эз вӧв. Сыбӧрын кежалисӧ Потупчик ордӧ. Мотя куйлис кровать вылын и ойзис.

— Мый тӧкӧт?

— Кынӧмӧ висьӧ, — висьталис сия шогӧн. — Туримольсӧ унаӧв сӧйи...

— А тэ бы невночка сӧйин, — серӧмтчис Павел.

— Дак эд сия чӧскыт, сахарӧн.

Павел ӧвтыштис кинас:

— Мунам, Федя, ӧтнаным?

— Мунам! — радсялис воныс. — Колӧ только гортӧ пыравны да мешӧк босьтны.

Петисӧ улицаӧ. Павеллӧ вӧлі гажа, и сия висьталис Федялӧ:

— Вониньӧй, котӧртам одзасьӧмӧн?

Федя думайтӧмӧн видзӧтыштис Паша вылӧ:

— Тэ эд всё равно одзалан.

— А тэ пондыв!

Павел нарочно сетис асьсӧ одзавны, и Федя рад чужӧмӧн перыта пырыштис оградаӧ:

— Мам, ме сійӧ одзали! Вай мешӧк.

Мамыс вежөртөмөн мигнитіс Павеллө:

— Чож тэ лоин, Федюшка!... Одзжык локтө, челядь, дыр эдө ветлө.

— Мийө Тонкөй Гривкаө иньдөтчам,— шүтитөмөн висьталіс Павел, — и тётканым ордын узям.

— Ме тиянлө иньдөтча! — грөзитыштіс мамыс чуньнас.

Вөр вөлі арся, бытьтө шочамөм. Воздухын везьясис шёлковөй чераньвез.

...Дед дынө керкуө ышки-пойки пырыштіс Данило:

— Нюрө муніс... Туримольла...

Дед, ныр увтас мыйкө бобгөмөн, пондіс перыта ветлөтны комната кузя. Сыбөрын сувтчис, бытьтө мыдзис.

— Данило, — висьталіс сія гусьөник, — вай сійө...

— Кинөс? — сідз жө гусьөник юаліс Данило.

— Пуртсө.

Данило дыр эз вермы кыскыны еннэз сайись пурт: киэс сылөн дрөжитісө. Сэссия кыскис. Дед лөгасьөмөн өвтчис киэзнас, пишкис:

— Да не этө! Мөдсө, горбасө!

Дед эз вермы видзчисьны, сибөтчис да ачыс кыс-кыштіс ен сайись пуртсө.

— Босьт.

Данилолөн чакөтісө пиннес.

— Сія... не өтнас муніс...

— Кинкөт?

— Федькакөт. Сія висьтасяс...

Дед дрөгнитіс.

— Кыкнаннысө! Но, мун иңө! Мый сулалан, кыздыр?! Сулав! Отлаын мунам...

Баб Ксения видзөтіс бөрсяняныс да пернапасасьліс.

...Мыдзём зоночкаэз пондісö локны гортаныс. Федя кузьтуй гажөн баитіс берся йылісь. Павел муніс думайтёмөн, отвечайтіс дышөтчёмөн.

— Паш, а кин котрасьö перытжыка: кöин али кöч?

— Кöин, натьтö.

— Паш, а көр тiян лоасö пионерскöй галстуккез?

— Да вот Зоя Александровнаыс кöйсiсис вайны эта годö.

Кыздзаинын, кытөн подöна туйкыс вожьясьö, вдруг казялісö дед Серёгаос и Данилоос. Павел пондіс мунны жагөнжыка.

— Паш... Данилоыс оз понды тышкасьны? — полёмөн юаліс Федя.

— Оз лысьт дедö дырни. — Павел видзөтiс одзас. — А тэ бөрсяням мун, дас оськөв ылына кольчы ме сьöрись.

Павел жагөнник сибөтчис старик дынö.

— Ягөд өктiт, внучек? — Дедлөн голосыс кирган, ласковöй.

— Öктiм.

— Ноко, мыччав... Тырмас ни дедыт ылö лөгавны...

Павел радөн шыннiяліс, босьтiс пельпон вывсис мешöксö:

— Да ме ог лөгав, деда... Видзөт, кытшөм туримольыс. Гырись!

Сiя пөрччаліс мешöксö, видзөтыштiс дедыс ылö и шатөвтчис: старикыс чужöмын тыдаліс ненависть.

— Деда, лэдз киос... Зубыт!

Сэтөн дедыс мөд киись зоночка казяліс пурт, нетшкөвтчис, горөтiс:

— Федя, котөрт! Чожажык котөрт!..

Куимись чечөвтёмөн Данило вөтiс Федясö...

Куимөт лунас кошшыны воннэсö мунис вöрас быдöс деревняыс. Мунисö цепөн, шумитисö кусттэзөн да уввезөн, тревожнöя öтамöдныскöt шыасьлöмөн.

Лөнъ и гажтöм веж, арся вöрын.

Мотя котöртö кушамны пондöм пипуэз да кыззез бокöt, бытшкасян көззез бокöt, коккэс вöйöны кышöтан листтэзö. Ордчөн чеччалö кузь гöна Кусака.

— Кошшы, Кусака, кошшы...

Пон öвтö бöжнас, вежöра синнэзөн видзötö нылочка вылö.

Мотя секунда кежö сувтчылö, дзарьялö öтмөдөрö, нюлö көс тырппесö и бöра котöртö, котöртö... Мый дырна сiя котöртö? Час? Кык час?

Нет, ныкöt нем эз ло. Нiя тётканыс ордын Тонкöй Гривкаын.

Но мыля нö мамныс шуö, что нiя сэтчин абуöсь?

— Кошшы, Кусака, кошшы!

Но Кусака оз тыдав. Кытөн сiя?

И сэтөн Мотя кылö понлись гора унньöвтöм, кöдасянь кызз бытьтö сувтчö сьölöм и вывтыр вылö бытьтö кисьтöны кöдзыт ва.

Мотя пöдöмөн уськötчö эта страшнöй уннялöм вылö, паськötö кусттэз. Вот...


Мешök, киськалöм ягöд. И веж листтэз вылын вир.

Павел куйлис листтэз вылас, киэсö чапкыштöмөн.

Невна ылынжык, валёжникö чужöмнас гарйисьöмөн, куйлис учötик Федя.

Юрсö чатыртöмөн Мотя уськötчис котöртны эта места дынись. Паськыта осьтöм öмсис мезмис нюжвыла, ойзöмөн горötöм:

— А-а-а...



Быдӱс мукӱдыс вӱлӱ везтӱма кызды бытӱтӱ тшынӱн. Сӱя эз адззы и эз кыв, кызды петкӱтӱсӱ вӱрсис вийӱм-мезлӱсь телӱезнысӱ, кызды нуӱтӱсӱ сельсоветӱ пыксыйны пондылӱсь Данилоӱс, кызды Данилоыс мыкталӱмӱн бобгис Кулуканов йылӱсь, дед йылӱсь.

Сыбӱрын пӱдӱмӱнмоз лолалӱкӱ рыжӱй тоша Василий Потупчик вайӱтӱс сельсоветӱ блед Кулукановӱс.

Дрӱжитан киззӱн йӱрнӱссӱ кыскалӱкӱ и Данило да дед вылӱ презрительнӱя видзӱтӱкӱ, Кулуканов лӱньсӱм сельсоветас горӱтчис:

— Не сӱдз уджалӱт... Колӱс нюрӱ колода увтӱ сюйыштны... сӱк и кырнышлӱ не адззыны бы вӱлӱ коскаезнысӱ!

Г л а в а X I

М А М Д Ы Н Ы Н

Усис лым, кӱда тыртӱс вӱр и деревня.

Тӱв ӱркӱтӱс вороткаӱн, шумитӱс трубаын. Татьяна эз кыв сӱйӱ. Сӱя чепсасис постеляын, и тырппез гусьӱник садьтӱг шувлӱсӱ:

— Челядь... Паша... Федя...

Постеля дынын очередь сӱртӱ дежуритӱсӱ соседкаез, дозирайтӱсӱ Романӱс. Керкуын вӱлӱ шоныт, кылис лекарство дук.

Отпырись Татьяна осьтӱс синнӱсӱ. Сы весьтын кинкӱ заботитчӱмӱн мышкыртчылис, каттылис одеялӱн. Татьяна небурика вештӱс одеялосӱ, юалис:

— Кытшӱм ӱнӱ месяц?

— Декабрь.

Сӱя лӱбтыштӱс юрсӱ:

— А мый... керисӱ ныкӱт?

— Нӱя сӱсся абуӱсь...

Татьяна чеччис, муни керку кузя. Роман пишкөмөн узис постеляын.

Мам сибөтчис өшын дынө, көда сайын пемдыны пондөм өтөрас куйлис голубөй рөма лым. Өшын дын-сянь бокынмоз сулалө резной воротаа ыджыт керку. Сэтөн олис Кулуканов. Невөран синнэзнас Татьяна видзөтис ворота весьтис гөрд вывеска, слоггез сьөрти лыддьөтис: «Морозоввез воннэз нима колхозлөн правленнө».

Синнэсө везтис пемытөн; сия эз горөт, но сьөкыта усис джоджас.

Недырмыйись сылө лоис кокнитжык. И өтпырись мича көдзыт лунө сы дынө локтисө школьниккез. Ния пырисө керкуас, көдзытөн да парөн кытшөвтөмөсь, лөньөсь и торжественнойөсь. Ны коласын сулалис учительница, томыник, ласковөй. Сия волнуйтчис.

Яков и Мотя сибөтчисө мам дынө. Воздухсө нылыштөм бөрын Яков гусьөник шуис:

— Төтя Таня... мийө... мийө...

Сэссия сия нем эз висьтав.

Сыбөрын пондис баитны Зоя Александровна. Тэр-масьөмөн да дзугсьөмөн учительница висьтасис сы йылис, что пионер Павлик Морозовлис дөна нимсө пондис төдны быдөс странаыс, что сийө, гореөн тырөм мамсө, эзө вунөтө и правительство назначитис сылө пожизненной пенсия. И что сийө корөны овны шондия Крымө, Чёрной море дорө, медбы веськөтны ассис здоровье.

Мам эз кыв учительницалис кыввесө. Сия видзөтис быдөс эна чөлис челядьлөн заботливөй да родной чужөммез вылө, и вдруг сылө өддьөн охота лоис жмитны нийө быдөннысө аслас сьөлөм бердө.

Учительница волнуйтчөмөн баитис Татьяна понда

гордость йылісь, гордость йылісь быдос Герасимовка понда, кōдаын быдмис сэтшōм отважнōй зоночка, сы йылісь, что миллионнэз советскōй челядь пондасō пыр старайтчыны лоны Родиналō сэтшōм жō честнōй да преданнōй зоннэзōн.

Мам машинальнōя повторитіс этō кывсō:

— Зоннэзōн...

Сія вдруг пондіс перыта лолоавны, сибōтчис челядь дынō, нюжōтис дрōжитан киэсō:

— Челядь... роднōйез менам...

Глава XII

Ф Р О Н Т В Ы В С Я Н Ь П И С Ь М О

Керкуок сулалō керос вылын, сійō кытшōвтōны зелёнōй кипариссэз. Вылынōсь, вōснитōсь и стройнōйōсь, нія лэбтисьōмась керкуок гōгōрас, бытьтō шытōм да торжественнōй сторожжес.

Кипариссэз коласын ошынсянь тыдалō лōз море. Сы конечтōм простор вылын о́йылōны и кусōны чочком бикыв кылоккезōн быгōн вевттьōм волнаэз. Прибойлōн шумыс небурика кылō осьтōм форточкаō.

Ошын одзын сулалō дзор женскōй. Сы кийн — часōт только получитōм письмо. Письмосō осьтытōдз сія дыр и волнуйтчōмōн видзōтō голубōй конверт вылō, бытьтō старайтчō адззыны сійō, кин гижис эта адреслісь кыввесō: «Крым, Алупка, Севастопольскōй улица, № 4, Татьяна Семёновна Морозовалō».

Но вот сія осьтō конвертсō:

«1944 годся октябрь 25 лун. Восточнōй Пруссия.

Роднōй! Талун бой бōрын получиті тэсянь письмо. Кытшōм бур, что тэ, менам пōрись маминьōй, вились локтін освободитōм Крымō, море дорō, шонді дынō!

Пола только сы понда, что тэ сэтчин пондан гажтөмтчыны метөг, герасимовской друггезтөг. Но эд мийö чожа бөра лоам өтлаын. Эд миян победаыс совсем, совсем матын!

Дона, любимой мам! Лоис сия, мый мийö бура видзчисим!

Миян армия мунö враг му кузя. Родной советской мунымос освобождайткө мийö муним синваэз да горе мореот. И мийö локтим татчө.

Кыз мийö пессимö мунны одзлань!

Талун югдандорас врагез би увтын мийö вуджим өтик ю.

Перво вражеской берег вылас вуджис автоматчиккезлөн группа. Сия крепитчис учотик участок вылын. Медбы содтыны сылө вын, колис вуджотны артиллерия.

И сэк ме, кыз нейджит орудиелөн командир, кори разрешенне вуджны первйон. Миянлись пушканымос да снаряддэзлись запас мийö грузитим плот вылө и пондим сынны.

Ю шорас миянос казялисö фашисттэз и пондисö лыйлыны.

Взрыввезсянь миян гөгöрын ваыс лэбтисьлис столббезон и усылис миян вылө. Ме горөти аслам солдаттэзлө, медбы ния назапас рознитчисö, колас кө уйөмон мунны берегөдз.

Көр берегөдззас кольчис кынымкө метр, снаряд осколөкөн жугдис плот.

Андрей Чубарь — сия самой вылын мыгөра, паськыт пельпона украинецыс, көда йылись ме гижи ни тэныт одзжык — первй чеччөвтис йыа ваө, коть и вөли ранитөма кокас. Но миян счастье, что местаыс вөли непыдын, и сия пельпоннас вермис видзны плотсö. Мийö

киэз выланым петкөтүм пушканымөс и оборудуйтүм
огневөй позиция.

Недырмыйсыз переправа местаө пондисө локны
фашистскөй танккес. Мийө лыйлим ны кузя 200 метр
ылынасянь, и почти өтүк снаряд эгө лэдзө весь. Эта
бойын мийө уничтожитүм вит фашистскөй танк.

Эшө охота висьтасыны тэныт өтүк случай йылысь,
көда сыбура волнуйтис менө талун.

Андрей Чубарь миян дынө локтис неважын, и сийөн
сия эз төд, что ме — Пашалөн вон. И вот, көр ме час
бөртү көрталі Андрейлісь ранасө, то сы сапогись, пись-
моэз да документгэз коласись, адззи Пашались порт-
рет, көда аккуратнөя вундыштөма важ газетаись. Эта
менө сідз дивитис, что ме нельки дрөгниті.

«Мыйлө тэ новйөтан этө снимоксө?» — юалі ме.

Сия чөлыштіс и висьталіс:

«Тэ, ёрт старшөй сержант, вөлін пионерөн?»

«Вөлі», шуа ме.

«Сідзкө, тэныт колө төдны, мый сэтшөм пионер-
скөй салют: вит чунь, көдна лэбтөмөсь юр вевдөрө.
Эта лоө, что общественнөй интерессэсө пионер сувтө-
тө вылынжыка аслас личнөй интерессэзся. Дак вот,
сэтшөм пионерөн и вөлі эта зоночкаыс. Челядь кад-
сянь сия менам медлюбимөй герой и, колө висьтавыны,
тіян фамиллөэзныт өткодьөсь, ёрт старшөй сержант.
Тридцать вторөй годө сийө вийөмась советскөй власть-
лөн враггез. Вийөмась сы понда, что Родиналөн ин-
терессэз вөлісө эта пионерлө быдөсся вылынжы-
көсь.

Тэ месся томжык и, может, он төд этө историсө,
а ме сия кадө ачым вөлі сэтшөм жө пионерөн, кызд
Паша. И сэк пионерскөй сбор вылын, асланым Украй-
наын, мийө сетімө клятва асланым олікө лоны сэ-

тшөммезөн, кыз уральскöй пионер Павлик Морозов».

Андрейлö ме нем эг шу. Но тэ думайт, менам дона маминьöй, кытшөм эта бур! Павелсö эзö вунötö.

Онi рыт. Этö письмосö ме гижа немецкöй баронлөн разрушитөм зäмок дынын. Эстөн мийö олам недыр. Чожа бöра мунамö одзлань, бойö!

Адззисьлытöдз, менам дона маминьöй. Сывьяла тэнö нежнöя и окала тэнчит пöрись ласковöй киэтö. Чожа пантасьлытöдз, роднöй!

Тэнат зон Роман Морозов».

...Мам пуктö письмосö бокö и видзötö öшынö кипариссез коласын лözвидзан море вылö.

А öшын увтын, шоссе вылын, горалöны челядëклөн голоссез. Этö бертöны гортаныс Алупкаись школьник-кез. Керкуок дынын сувтчис быдса утуга. Челядьыс шынняялöны, макайтöны сылö киззнаныс:

— Здравствуйте, Татьяна Семёновна!

— Бур лун, дона Татьяна Семёновна!

Мам шынняялö нылö, приветствуйтö нийö кисö лэбтöмөн и казаявтөг чышкö рожабан вылö лэдзчисьöм синва.

